



दर्ता नं.: ४८/२०७६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

ह्वय्या

नेपाल संवत् १९४९ चिल्लाश्व: २०७७ चैत्र १५/ 2021 Mar./ ल्या: ३२, दौ: ३



**अन्तर नगर
चेस धिं धिं बल्ला कासाय
तःलापुं कासामिपुं नपां**



नगर प्रमुख सुनिल प्रजापति वीरगञ्ज महानगरपालिकाया
प्रमुख सरावगी जु नपां (२०७७ चैत्र ९ गते)



नगर प्रमुख सुनिल प्रजापति कलैया उप-महानगरपालिकाया
यादव जु नपां (२०७७ चैत्र १० गते)





डय्च्यागूगु स्वप पौ. बःछि पौ(पाक्षिक)

; Dkfb sLo

@)&& r# !%, c^s %*, jif#

कोरोना भ्वल्वय छुं मखु मधाय

कोभिड ल्वय डाडः, पुड वसेलिं संक्रमित पिनिगु ल्या हकनं अप्वयो वयो च्वंगु दः । थं मथं दाच्छीया दुनय् हिस्वंगु करोड मनूत संक्रमित जूगुलि नीन्हय्गूलाख व ख्वी न्ह्यद्र स्वयो अपः मनूत सीय धुंकल । हलिमय विकसित देश काथं डाल वयो च्वंगु संयुक्त राज्य अमेरिकाय् जक स्वंगु करोड स्वयो अपः संक्रमित पुं दःगुलि डागु लाख व डय्द्र स्वयो अपः मनूत सीय धुंकगु रेकर्ड धायो च्वंगु दः ।

भीगु नेपः देशय् नं न्हिया न्हिथं ल्वगं पुं अप्वयो वयोच्वंगु खानय् दत । भारतय् न्हिं डय्द्रस्वयो अपः ल्वचं संक्रमितपुं दःगु पुष्टि जूसेलिं नेपः या सरकारं नं नाकाय्-नाकाय् कडा याय्गु घोषणा यात । नपां फुक्क जिल्ला प्रशासन कार्यालयता नं क्वारेन्टाइन व आइसोलेसनत तयारी याड ति जक निर्देशन यात । छुं ई न्हातक नेपः देशय् कोरोना ल्वय मतला धाय् थें हे जुय धुंकगु खः । सरकारं थुखय् पाखय् ध्यान हे मतय् धुंगु व सकल सर्वसाधारण जनतातनं थः थः गु ज्याखय् अः पुक हे मग्यासीं जुय धुंकगु खः । अल्य व ई नेला-स्वला जक तुता । अः न्हिं न्यस स्वस कोरोना ल्वयया ल्वगित खानय् दयो वल । थव भी फुक्कसिया चिन्ताया बिषय खः ।

अः तक नेपः देशय् नेगू लाख व न्ह्यडाड स्वयो अपः ल्वचंकयो संक्रमित जूगुली थं मथं स्वद्वति मनू सीत । थव नेगूगु चरणया कोरोना भीगु देशय् द्रहं वल धःसा तस्कं ग्यापुगु भयावह स्थिति वड दक सःस्यू पुं विज्ञापिसं धायो च्वंगु दः । अथेनं नेपःमिपिसं कोरोना छुं मखु दक वेवास्ता याड च्वंगु दः । कोरोना धाय्गु सेखं ज्वर थें जक खः, नेपःमि पिकय् ल्वयनपां ल्वाय्गु प्रतिरोधात्मक क्षमता अपलं दः, उकिं भीता उगू ल्वचं छुं हे गाय् फै मखु धाय्गु खाँ बयबय् याड च्वंगु दः । नखा-चखा, मेला, बजारया लागाय् मास्क मतःसिं थः यत्थें जुइगु हुलमुलयाड भवै डाय्केगु लापवाहीया उदाहरणत खः ।

स्थानीय तहं स्वास्थ्य मापदण्डया पालना याडः जक जुयता माइकिड् याड, सूचं बियो प्रचार-प्रसार याड च्वंबलय् छपुचः मनूत स्थानीय तहता नकारात्मक काथं स्वयो हाल च्वना धःगु न्यनय् दः । भीगु छगू चिच्याहांगु लापवाही खं कन्हे ल्हवडां ल्हवनय् मज्यूगु स्थिति वैगु सम्भावना थुइकः भी न्ह्याब्लें सतर्क जुय मः । गम्भीर जुयमः । इलय् हे बिचः गाय् मफूसा लिपा भी पछुतावय् जुयो च्वनय्गु बाहेकं मेगु छुं हे ल्यं दै मखु । हाल च्वडां लाइनं मखु ।

खपय होलीपुन्ही, बिस्का जात्रा हःनय वयो च्वंगु दः । होली पुन्हीया मेलाय् पिनय् वयो हुलमुल मयासैं छुं छुं च्वड मानय् गाय्ता खप नगरपालिकां इनाप याड च्वंगु दः नपां छुं नं किसिमया हुल जुइगु ज्या मयाय्ता सूचं न्यंक नगरबासी पिन्ता इनाप याड च्वंगु दः । वैगु विस्काजात्रा नं थाबने थें हे मः काथं जक पुजा-आजा याडः औपचारिक काथं जक डाय्के माली जक स्थानीय बुद्धिजीवीपिसं सल्लाह बियो च्वंगु दः । जनताया स्वास्थ्यता दकलय् हःनय तयो वयो च्वंगु खप नगरपालिकां थव बिषय मथां हे बिचः याई । कोरोना तस्कं ग्यापुगु भयानक ल्वय खः । थुकिता सुनं छुं मखु जक मधाय, कोरोना भ्वल्वचं थः नं मपुंक म्वायः, मेपिन्ता न. मपुंकः म्वाकः तय्गुलि थः थः गु थासं सचेत जुयो ग्वाहाली गाय् ।

पिकाक-खप नगरपालिका/सम्पादक-आशाकुमार चिकंभञ्जार, डेस्कटप-धन लक्ष्मी त्यात, आवरण सज्जा-रेणु ध्वज्, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com



डय्च्यागूगु स्वप पौ. बःछि पौ(पाक्षिक)

माक्सवादी दर्शनया लिधांसाय् च्वइगु साहित्य हे माक्सवादी साहित्य जुई

● नारायणमान बिजुक्छें



(नेपाली साहित्यया प्रगतिशील लागाय् लोकं हवाम्हा साहित्यकार हरिबहादुर श्रेष्ठ (का.रोहित) जु या बाखं साहित्य नं तस्कं स्यल्ला । जनताया, समस्या क्यनय्गु जक मखु समाधानया लाँपु नं क्यड् दीम्हा वयकलं वर्गीय रुपं जनताता सचेत व संगठित मया तलय् समाजवाद वै मखु धाय्गु बिचः लं जःगु साहित्यं मदिकक, अः तक च्वसा न्ह्याकः वयो च्वंगु दः । जीवन संघर्ष खः निराशजुयो आत्मसमर्पणयाय्गु लाँपु मखु, दुःख जूगुया कारण शोषक तय्सं शोषितपिन्ता यागु शोषणया हाँग चफुय मफूतलय् जनतां सुख सिइ मखु धाय्गु सन्देश काँ काँ लाँपु क्यड्दीम्हा हानय्बहम्हा नेपाल मजदुर किसान पार्टीया नायो नारायणमान बिजुक्छें जू नपां या खँलाबल्हा-सं.)

न्ह्यस : बाखं साहित्य छु जुयो लोकं हवागु खः?

लिस : म्हवचा इलय् हे पाठक तय्गु मनय् बांलाक लिचव लाकय् फःगु नपां नुगलय् थुंदिः धवाथुइकः कानय् फःगु विधा जूगुलिं बाखं साहित्य लोकं हवागु खः ।

न्ह्यस : बाखंया विकास गथे जुला? प्रगतिशील बाखं गथे जुयो च्वयगु याता थें ?

लिस : मानव समाजया विकासया त्वाथः (ताकी) गय्गु इवल्य् थी थी धनि नपां स्वापु दःगु धार्मिक बाखं वा पुराणया बाखंत लच्छी तक, बःछितक कानय्गु याड ताः ताः हाक जुइगु । अथेहे उपनिवेशकालय् यात्रा साहित्यत नं ताः ताः हाक च्वइगु नपां उपन्यास विधाया विकास जूसेलिं साहित्य सर्व साधारण जनतां ब्वनिगु पाठ्य सामग्री धाय्गु स्वयो अपलं फूसत दःपुं धेबा दःपुं मनू तय्गु हायें पुकय्गु मनोरञ्जनया ज्या भः थें जक जुल । सच्छी पाना निसें डास-द्वछी पाना व अपलं ब्व (भाग) दःगु उपन्यास च्वय्गु याड हल ।

समाजय् पुँजीवादया विकास जुसेलिं मनूतय् भन भन ली मलाड वल । अलय् बाखंया सार छकलं हे ब्वनय् धुनिगु १५-२० मिनेट निसें घौछि नेघौया दुनय् ब्वनय् धुनिगु साहित्यत यःक हल । थथे याड बाखं साहित्य बः चा हाकगु जक जुयो वान ।

खयां इसप नीतिया बाखं, आफन्तीया बाखं व अकबर व बीरबलया बाखं, तोता-मैना (वं भतुया न्ह्य नेपु) बाखंया लिचवलं नं बाखं च्वमिपिन्ता बाखं च्वयता प्रोत्साहित यात ज्वी । ई नपां साहित्य हायेंपुकय्गु या ज्या भः जक मजूसें समाजय् दयो च्वंगु क्व पुलांगु बिचः व ब्यवस्थाय् ह्यूपा ह्यगु मतिं प्रगतिशील बाखंत च्वयगु याडहला ।

न्ह्यस : प्रतिक्रियावादी साहित्य व प्रगतिशील, माक्सवादी साहित्य छु खः? न्ह्यूगु पुस्ताता साहित्यकार पिन्ता गजगु बाखं च्वयगुलि प्रोत्साहन बियो दि थें?

लिस : दास युग व सामन्तवादी समाजय् दास मालिक व जुजु (राजा-महाराजा) पिन्ता च्वछायो अमिगु गुणगान याड साहित्यत च्वइगु अजगु साहित्यया नितिं जक ई फ्याड च्वनिगु । धर्मता शासक व शोषक वर्गया पेवा, शोषणया ब्यवस्थाता 'मनूया भाग्य' व 'ईश्वरया कृपा' काथं ब्वय हैगु पुराण व धार्मिक बाखंनं जनताया उत्साह हे स्याडः विद्रोह व विरोध याय् मफैगु याड थुगु जुगय् अत्याचार, शोषण व अन्याय सहयाड मालिकया चाकरयासा सीबलय् स्वर्गय् वानय् दैगु व मेगु जन्मय् सुख सिइगु थजगु मखु-मखुगु भूठ्ठा आश्वासनत वियगु साहित्य च्वता । अजगु साहित्यत शोषक व



शासक वर्गया थःगु अन्यायी शासन ब्यवस्था परन्तु ल्यंक तय्गु बिचः लं चवइगु खः ।

पुँजीवादया विकास व बिचःया स्वतन्त्रता प्याहाँ वसेलिं पुलांगु स्वइगु पहःव ब्यवस्था हिलय्ता मः काथंया साहित्यत चवयगु ज्या याड हल । थथेयाड समाजय् दयो चवंगु प्रतिक्रियावादी वर्ग व ब्यवस्थाता हिडकय्ता ग्वाहाली याइगु फुक्क काथंया प्रगतिशील साहित्यकाथं हज्यात । साम्राज्यवाद व उपनिवेशवादया विरोधय् चवयो तःगु साहित्य प्रगतिशील साहित्य खःसा पुँजीवादी शोषणया समर्थन याइगु बिचः ब्यवस्था व साहित्य नं प्रतिक्रियावादी जुई ।

मार्क्सवाद धाय्गु पुलांगु शोषण मरुगु न्हूगु समाज दय्केगु, थौं या पुँजीवादी समाजया विकास व पतन (थाब्बा-क्वब्बा) लिपावैगु वर्ग मदैगु समाजया निंतिं याइगु संघर्षया पह त, संक्रमणकालीन समाजवादी ब्यवस्थाया आर्थिक, राजनैतिक व सामाजिक बन्दोबस्त नपां वर्गमरुगु, शोषण मरुगु, राज्य मरुगु, गां व शहर छुं हे मपाइगु, ज्यासाड नैपुं ज्यापु ज्यामित उथिं खानिगु नपां शारीरिक व मानसिक श्रमखय् मपाइगु समाजया दर्शन खः ।

मार्क्सवादी दर्शनया लिधांसाय् चवइगु साहित्य हे मार्क्सवादी साहित्य जुई । उकी वर्ग संघर्ष ज्यासाड नैपुं ज्यापु-ज्यामिया भिं जुइगु व अमिगु पाःलिड चवइगु मिसा मिजंता उथिंखाड स्वइगु छगू स्वस्थ समाज दय्केता ग्वाहाली याइगु नपां आर्थिक, सामाजिक व राजनैतिक शोषण मजुइगु, गनां छुं हे काथं सुयातां मपाक स्वयगु व सुनं क्वः त्यःसा उकिया विरोधय् चवइगु नपां अजगु नकारात्मक व प्रतिगामी सोच ता कुंखिड, ह्यूपा हैगु व आलोचना याडः खःगु लाँपुइ डाय्केता ग्वाहाली याइगु साहित्य हे मार्क्सवादी साहित्य खः ।

अथे जूगुलिं भीगु च्वमि, कवि व कलाकार पासापिसं न्हूगु युगता ल्वःगु समाज दय्केता ग्वाहाली जुइगु च्वसुत चवयो यंकय् फःसा तस्कं बांलाइगु नपां न्ह्याब्लें म्वाडः च्वनिगु कालजेयी साहित्य जुई ।

न्हयस : साहित्यया पात्रत धीर-वीर पुं तय्मः धाई । तर छिं “एकादेशको कथा” “छगू देशया बाखं” धाय्गु साफूति सर्वसाधारण जनताता मुख्य पात्र याड दिला? थत यगु ? छाय् थै?

लिस : गथे न्हूगु छँ दानय्ता गथे ? जग तय् हाँ आनाया चा जाँचय् याड स्वय्मः अथेहे भीगु दे या समाजय् चवड च्वपुं शोषित-पीडित जनताया धात्थेंगु किपा व अमिगु

डय्च्यागूगु स्वप पौ, बःछि पौ(पाक्षिक)

स्थिति बांलाक सय्क-सिडक-थुइकः पिब्वय् फय्के मः । अल्य न्हूगु समाज दय्किपुं निर्माता (दकःमि) पुं नं वहे शोषित पीडित पिनिगु दथिनं हे ब्वलाड वैगु खाँ धवाथुइक विय मः । मखुसा धर्मखं थें तुं स्वर्गया कल्पना याड भगवानं ह्यूपा हयो वीइगु, नेम्हा प्यम्हा धीर व वीर राजा महाराजापिनिगु कल्पनाय् जक दुबिड च्वनि । भी जनताया वीरपुं मनूत जनताया दथुं हे दाड वै, ब्वलाड वै धाय्गु खाँ साहित्यपाखं हे जनताता थुइकः वानय् मः ।

मार्क्सवादी दर्शनया लिधांसाय् चवइगु साहित्य हे मार्क्सवादी साहित्य जुई । उकी वर्ग संघर्ष ज्यासाड नैपुं ज्यापु-ज्यामिया भिं जुइगु व अमिगु पाःलिड चवइगु मिसा मिजंता उथिंखाड स्वइगु छगू स्वस्थ समाज दय्केता ग्वाहाली याइगु नपां आर्थिक, सामाजिक व राजनैतिक शोषण मजुइगु, गनां छुं हे काथं सुयातां मपाक स्वयगु व सुनं क्वः त्यःसा उकिया विरोधय् चवइगु नपां अजगु नकारात्मक व प्रतिगामी सोच ता कुंखिड, ह्यूपा हैगु व आलोचना याडः खःगु लाँपुइ डाय्केता ग्वाहाली याइगु साहित्य हे मार्क्सवादी साहित्य खः ।

न्हयस : साहित्य दुनयँ राजनीति तयमज्यू धाडपिन्ता छु लिसः बियो दिइ थै?

लिस : बाखं वा साहित्य दुनय् राजनीति विषयवस्तु दुथ्याकय् मज्यू धाडगु नं स्वयम छगू प्रतिक्रियावादी राजनैतिक आग्रह खः । अमिसं चा चा हिडकः न्ह्याकातं जूसां जनताया राजनीतिता साहित्यखय् दुमथ्याकय्गु जः ग्वगु जक खः । उकियाता कुंखियगु नपां विरोध मयासैं मगा ।

न्हयस : न्हू पुं ब्वनामि व च्वमिपिन्ता छु छु साफू त ब्वनय्गु सल्लाह बियो दिथें ?

लिस : नेपाली बाखं साहित्यखय् ‘हृदय चन्द्र सिंह प्रधान’ जू या बाखनं भीगु समाजया गरिब, दुःखी व शोषित पिनिगु बांलागु चित्रण याड क्यडः तःगु दः । अः भीगु न्हूगु पुस्ताया च्वमि व पाठकपिसं अजपुं क्वत्यय्क च्वपुं व ह्यूपा हय्गु लाँपु ताड च्वपिन्ता न्हूगु समाज निस्वानय्ता दुथ्याकः याइगु आन्दोलनय् ब्वति काय्कः संघर्षता ग्वाहाली याइगु साहित्य चवय मः ।



डय्च्यागूगु स्वप पौ, बःछि पौ(पाक्षिक)

संसदीय सर्वोच्चताया छगू न्ह्यसः

विवेक

‘बेलायतया संसदं मिसाम्हासिता मिजंम्हा अलय मिजंम्हासिता मिसाम्हा याय्गु बाहेकं मेगु फुक्क याय् फः’ दक छगू धापु न्ह्याब्लें हबवयो चवनि । राजनीतिया फुक्क तस्कं महत्वपूर्णगु विषयया निर्णय संसदं याई धाय्गु स्थापित मान्यता हे संसदीय सर्वोच्चता खः । बेलायतं कः घाड च्वंगु थजगु संसदीय ब्यवस्था हलिमय अपलं देशं कः घाड च्वंगु दः । अथेनं देश स्वयो उकिता थःगु थासय्पा काथं छिंथें पाकः छ्यलः च्वंगु दः ।

२०४६ सालया ह्युपा लिपा नेपः देशं नं बेलायतया थजगु संवैधानिक राजतन्त्र व २०६३ लिपा गणतन्त्रया अभ्यास याड वयो च्वंगु खः । नेपः या संविधानय् संसदं दय्कम्हा प्रधानमन्त्री दय्केगु व लिकाय्गु ब्यवस्था याड तःगु खः । संसदीय सर्वोच्चता दःगु देशय् संसदं व लिकाय्गु ब्यवस्था याड तःगु खः । संसदीय सर्वोच्चता दःगु देशय् संसदं दय्कम्हा प्रधानमन्त्री बल्लाइ, शक्तिशाली जुई अलय वाता संसदं जक लिकाय् फैगु ब्यवस्था याड तै । अथेनं नेपालय् बहुमत कायो तः म्हा प्रधानमन्त्रीता नपां कमजोर यायां यंक च्वंगु दः । प्रधानमन्त्रीकय् संसद विघटन याय्गु गोलीं जःगु बन्दुक दै घाय्गु संसदीय सर्वोच्चताया हे छगू मेगु मान्यता खः । अथेनं नेपालं उगु मान्यताता तःक हे न्हुतुमतु न्हयो छ्वंगु तःगु उदाहरणत दः । थुकिया कारण भीपुं राजनीतिक दलतय्सं संसदता स्वयो अदालतता अपलं विश्वास यागुलिं खः । व राजनीतिक दलतय्गु निंतिं हे

प्रत्युत्पादक जुई ।

२०५१ सालय् गिरिजा प्रसाद कोइरालां संसद भंगयागु इलय् एमाले सर्वोच्च अदालतय् वाना अथेनं अदालतं निर्वाचनया पक्षय् फैसला यागुलिं निर्वाचन जुला । उकिं लिपा प्रधानमन्त्री मनमोहन अधिकारी जुं विघटनया सिफारिस याबलय् धःसा अदालतं सिफारिस बदर याडःबिला । संविधान वहे अजगु हे (प्रकृति) या मुद्दा छगू तं अदालतं नेताजि फैसला वयानं थःगु अधिकारप्रति सचेत जुयगु स्वयो दलत थःता काथं छिं थें फैसला वःसा लय ताइगु अलय काथं मछिंक वःसा विरोध याय्गुलि जक केन्द्रीत जुला । राजनैतिक दलतय्सं न्यायाधिश पिनिगु पुतला छ्वय्केगु थजगु अराजनैतिक गतिविधि याय्ता तक लिपा मला । लिफःमस्व २०५१ सालया फैसलालिपा एमाले कार्यकर्ता तय्सं प्रधान न्यायाधिश विश्वनाथ उपाध्याय याय्गु नं पुतला छ्वय्कगू फुकसिनं लुमांक च्वंगु दः नि । दलतय्ता बियो तःगु अधिकार न्याय निरुपणया नामय् अदालतय् वानय्गु संसदया सर्वोच्चताता क्वम्ह्यगु खः । नेपःया राजनैतिक इतिहासय् अः वयो थजगु ज्या भन भन अप्वयो वयो च्वंगु दः ।

अः याय्म्हा प्रधानमन्त्री के पी ओलीं २०७७ पुस ५ गते यागु प्रतिनिधिसभा विघटनया विरोधय् उब्बेया नेकपा दुनय्यन प्रचण्ड-माधव गुटया सांसद त निसें नेम्हापेम्हा कानुनविदत अदालतय् वाना । अदालतं विघटन जूगू प्रतिनिधिसभा फागुन ११ गते हकनं लिफ्यडः पुनः स्थापना

यासेलिं नेकपा थःगु लाहातय् लाकय्गु आशां प्रचण्ड माधव गुटया नेतात तस्कं लय्ताला । अलय् व लसता तः न्हँ त्यकय् मजू ।

सर्वोच्च अदालतं ऋषि कट्टेल वादी व नेकपाया नेतात प्रतिवादी याड तःगु मुद्दाय् नेकपाया दर्ता बदर याड २०७५ जेठ ३ गतेया अवस्थाय् हे थ्यंकसेलिं प्रचण्डमाधव गुट सिमां कुतां वपुं थें जुला । एमाले व माओवादी बिस्कं हे च्वनय्गु मति पला छिड च्वपुं जुला । केपी ओलीं थः हे कार्यकर्ता तय्गु नामय् नेकपा (एमाले) व माओवादी गोपाल किराँतीया नामय् नेकपा (माओवादी) दर्ता याकला अदालतं नेकपाया पार्टी छप्पा छधि (एकीकरण) जूबलय् या निर्णय त हे कानुनया अखः जूगू खाँ क्वः छय्सें, बदर जूगू फैसला यासेलिं केपी ओली पक्ष तस्कं लयताला ।

न्ह्यसः अदालतया फैसलां छु लय्ताला व सु दुःख ताला धाय्गु लि मखु । धात्थेंगु खाँ यां भीगु संसदीय अभ्यास गखय् पाखय् न्ह्याड च्वना धाय्गु खः । अदालतता संविधान व कानुनया ब्याख्या याय्गु अधिकार ब्यगु दः । अथेजगुलिं अदालतं यागु फैसला फुक्कसिनं मानय मयासें मंगात । अलय् अदालतं नं वादीया माग स्वयो अपः नुवाय् मज्यू । श्वनं छगू स्थापित मान्यता खः । ऋषि कट्टेलया मुद्दाय् माग याइपिसं नेकपा नां या पार्टी बदरयाड थःगु नामय् दर्ता जुयो च्वंगु पार्टी अथेंतुं (यथावत) तयो बिया धाय्गु तक दःगु खः । अलय् अदालतं नेकपा दर्ता खारेजी नपां निर्वाचन आयोगया



डय्च्यागूगु स्वप पौ. बःछि पौ(पाक्षिक)

नेगू तुं निर्णयत बदर जुय धुंकः साविकयु निर्वाचन आयोगयु राजनैतिक दलकाथं दर्ता जूयो चवंगु नेपाल कम्युनिष्ट पार्टी (एकीकृत मार्क्सवादी लेनिनवादी) व नेपाल कम्युनिष्ट पार्टी (माओवादी) बिस्कं बिस्कं राजनैतिक दल काथं साविक अवस्थाहे कायम जुइगु याड व अमिसं थुगु नेगू राजनैतिक दल स्वाडः छगू तु. याय्गु खःसा राजनैतिक दल सम्बन्धी ऐन नियमया अखः मजुइगु काथं निर्णय याडः, याकः न्हि दक विपक्षी मध्येया निर्वाचन आयोगया नामय् परमादेश जारी याड ब्यूगु दः। ओलीया चाहे जूगु नं थथे हे खः। सर्वोच्च अदालतया न्यायाधिशपुं नेम्हा बमकुमार श्रेष्ठ व कुमार रेग्मी जुं फागुन २३ गते यागु फैसलां एमाले व माओवादी पुनः जीवित जुला।

सर्वोच्च अदालतया उगु फैसलां नेकपात तछ्यागु जक मखु सरकारया पहः (स्वरूप) हे परिवर्तन याड बिल। फागुन २२ गते तक केपी ओलीया सरकार नेपः या संविधानया धारा ७६(१) या अवस्थाय् दय्क चवंगु खः। अथेधाय्गु बहुमत दःगु दलया सरकार खः अथेनं सर्वोच्चया फैसला नेकपाता २०७५ जेठ ३ गते न्हापाया स्थितिं तुं थयंक बिल। ओली नेतृत्वया सरकार संविधानया धारा ७६(२) काथं (मिलिजुली) मंकः सरकारय् हिलः बिल।

अः एमाले दुनय् ओली गुट व नेपाल गुटया दशवीया विवाद भन भन चर्को चुयो चवंगु दः। अदालतया फैसलां नेपाल व खनालता ओलीया शरणय् हे मवांसं मगाक बिला व नेपाल व खनाल गुटया लागिं छगू काथंया कप क्वछु कःगु (आत्मसमर्पण) हे खः। माओवादी नपां मिलय जुयो एमाले दुनय् हे चवडः पार्टी तछ्याय्गु कासा म्हेतय्गु रणनीति काथं

द्वहं वयगु व एमाले दुनय् हे उकिया ज्वः लागु (समानान्तर) संगठन दय्केगु नीति काय्गु खाँ प्याहाँ वल। केपी ओली माकचाय्गु जालं किसी कयंकय् फैमखु धाधां केन्द्रीय समितिया पदाधिकारीत ल्ययो काय्गु व न्हूगु नीति ज्वड हज्याड चवंगु दः। एमाले दुनय् हे छम्हासिं मेम्हासिया गुटता मुख्यम्हा शत्रु भः पियो न्ह्याथय् याड जूसां सिधय्केता चाल म्हेतः चवंगु दः। चाणक्यया नीति काथं धाय्गु खःसा - ल्वय, शत्रु व सर्पता विश्वास याय् मज्यू। छुं नं मौकाय् अमिसं थःता सिधय्की। ठिक्क अथेहे छम्हासिं मेम्हासिता छुं हालतय् विश्वास मयाय्गु अवस्थाय् एमाले दुनय्या गुट त थ्यनय् धुःकल।

अदालतं ओली गुट व प्रचण्ड-नेपाल गुटता माथांवांक फैसला याड वियागु थें मति तला। न्हापांगु फैसला प्रचण्ड-नेपाल गुटया पक्षखय् व नेगूगु फैसला ओलीया पक्षखय् खानय् दः अल्यु संसदीय सर्वोच्चताया मिखालं स्वयगु खःसा व नेगू फैसलां प्रजातन्त्र बल्लाकेता ग्वाहाली याइ मखु। जनप्रतिनिधि पिन्ता बियो तःगु अधिकार अदालतता लः ल्हाड ब्यूगुलियाता छुं काथं हे बांला धाय् फै मखु।

पार्टी तज्याइगु संविधान व कानुन बमोजिम सम्बन्धित पार्टीया माग व इच्छाखय् मजूसें अदालतया निर्णय खं जुइगु बांलागु खाँ मखु। संविधान कानुनया काथं निर्वाचन आयोगं याय्मःगु ज्या नपां अदालतं याड हःसेलिं कन्हेया दिनय् राष्ट्रपति, प्रधानमन्त्री सुयाता दय्केगु खाँ नं अदालतं क्वः छुयूसा छु याय्गु ? थव फुक्क खाँ भीपुं शासक दल पिनिगु अकर्मण्यताया लिच्चः खः।

नेकपाया ल्वापु सूर्य चिं या लागिं नं खः। नेकपा तज्यात धःसा सूर्य चिं

सुनं काइगु धाय्गु तः हांगु विवाद खः। निर्वाचन आयोगं वनं क्वः छिय फःगु मरुनि। ओली गुटता ब्यूसा सरकारया प्रभावय् लाड ब्यूगु द्वपं विइथें अल्यु प्रचण्ड माधव गुटता ब्यूसा सरकारता काथं मछिंकिला धाय्गु ग्याच्च निर्वाचन आयोगता दः। निर्वाचन आयोगं स्वतन्त्र भूमिका म्हितय् मफूगुया लिच्चःसर्वोच्च अदालतं थजगु फैसला याय्मःगु खानय् दः। पिनय् न्यनय् दः काथं चर्को दबावया दशवी नेकपा दर्ता याय् माला। आयुक्तत न्हापा दर्ता जूगु पार्टीया नां नपां ज्वः लागु मेगु पार्टी दर्ता याकेगु पक्षय् हे मरु। प्रधानमन्त्री व पूर्व प्रधानमन्त्रीतय्गु हनय् आयुक्त तय्गु छुं जोड चलय् मजुल। अल्यु माग काथं नेकपा ता कोष्ठ दुनय् तयो दबल (नेगूगु) नेकपा दर्ता याय् माला।

न्यायाधिसपुं राजनीतिक दलता नेता मखुसैं संविधानया ब्याख्याता जक खः। कानुनया ब्याख्या याय्बल्य सुयातां नाफा वा घाटा जुयफः। धात्थेंगु खाँ यां राजनैतिक विषयता नपां कानुनी विषय दय्कः दलया नेतात अदालतया खापा ध्युं वानय्गु बानी भीगु कमजोरी पक्ष खः। राजनीतिक मुद्दा राजनैतिक दल तय्सं संसद दुने हे ज्यंकय्गु मस्वसैं अदालतया निर्णय काथं याय्गु परम्परा न्ह्याकेगु खःसा नेपालय् संसदीय सर्वोच्चताया थासय् अदालतया सर्वोच्चता स्थापित याड यंकी। लिपा वयो राजनैतिक दलतय्ता मःला म्वला धाय्गु औचित्य सं न्ह्यसः दानिगु व भीपुं नेतात अदालतया निर्देशनय् पला छिय मालिगु दिन मवै जक धाय् फै मखु। छु भीसं यक्व यक्व दाँ निसैं संघर्ष याड कायागु गणतन्त्रया मर्म थव हे खः ला ? शासक नेता तय्सं बिचः मयासैं मगा।



डय्च्यागूगु स्वप पौ. बःखि पौ(पाक्षिक)

संस्कृति



नेवः संस्कारय् सम्हयबजी

आशा कुमार चिकंबजार

कय्गु ...) तरकारी (वाउँचा), अचार नं तय्गु या ।

अलय् सम्हयँ बजी नै बलय् न्यां, श्वँ अयला नं मदय्क मगागु ज्वलं काथं काई । थुगु इलय् सम्हय् नै बलय् ख्वला, कचौरा तयो न्यां त्वनय्गु स्वयो हायो त्वनय्गु चलन दः । अः बुलुहुँ गिलास, ख्वला कचौरा छ्यल हल ।

सम्हयबजी प्रायः लिसा मकसिं तयो हःक्व जक नइगु खः । अथेनं अः धःसा लिसा तकय्गु नं याड हल । ई काथं बुलुहुँ सम्हय बजी या पहः भातिचा हिल वयो च्वंगु खानय् दःसां सम्हयबजी नय्गु धःसा अपलं याड वयो च्वंगु दः ।

सम्हयबजी भ्वँया स्वरुप स्वयो नय्गु याई । दकलय् न्हँपां दिगु पुजा बलय् दिगु ख्यलय् वाड फुकी बाकाछि मुडः नैगु सम्हय बजी नेवः समाजय् अपलं लोकं हवा । गुकी दुगु स्याडः दुगुया गर्दन दुसुखय् छुयो वाल ख्यलय् च्वड हे नै । न्हपा मिसात ब्वड मयकिगु धायो तःगुलि अः मिसात नं ब्वड यंक सम्हय नइगुलिं याड श्व छगू गुँ भवय, छयः भवय थें जुयो भन बांलाड वांगु खानय् दः । थुगु सम्हयखय् चतामारी नं मदय्क मगा ।

अथेहे अपलं सम्हय नैगु थाय् नेवः गुथि नं खः । गुथि गुब्ले चतामारी तयो गुब्ले मतःसिं गुब्ले लप्ते तयो गुब्ले ख्वपुसा (रुमाल) खय् तयो सम्हय बजी नय्गु याई । गुथि गुसीं थै बलय् वा मँ स्याडबलय् वा छुं नं गुथि याय्गु ज्या याडबलय् नैगु सम्हयँ व गुथिया घाः पतिकं नैगु सम्हयँ छुं भाति जक पाई ।

अथेहे मोहनी बलय् नैगु सम्हय नं थाना न्हिँ मथांसें मगा । वाउँगु लप्ते तयुबजी, हाकुमुस्या क्या बांला पालु, छवय्ला द्योने तया ब्वया पहल भन बांला ।

थाना न्हिँ थांगु पालु (चुलिपालु विशेष) विशेषयाड मोहनीया इलय् मदय्क मगासां उपलब्ध जूथाय् तक पालु, लाभाभि तय्गु या । मोहनीया इलय् भ्वँया सुरुवात सम्हयँ खं याई । श्व अपः सिया फूलपाटी खुनं यासां कूछिभवयँया सुथाय् नं नय्गु याई । उकिं श्व भ्वँ या सुरुवातया सूचं जक धाय् फः ।

अन्या बलय् स्वनिगलय् (विशेष याड यें इन्द्र जात्रा बलय्) नैगु सम्हय बजी स्वयो सम्हय बजी फवड नय्गु तस्कं लोकं हवा ।

‘ला छकु वयक सम्हय बजी’ धाधां सम्हय बजी इड थगु छँ नं सम्हय बजी नैगु चलन अः तकं दःनि । गुकि छुयाला मधःसिं लाछक्व वयक जक धायो तःगुलि गनां बाहां स्याडबलय् वहे बाहांया

आमुयां छु ? सम्हय हे मवनि । भ्वँ यां अज बाकी हे दः नि । भी पुर्खा छुड तकगु खँत्वा खँ भाय् । थथे स्वय बलय् ‘सम्हय’ सुरुवातिया न्हपांगु पला, गय्गु त्वाथया न्हपांगु ताकी (त्वाथ), अलय् स्वन्ह ताकीया न्हपांगु ताकी जक थें याडः भीगु समाजय् पिब्वयो च्वंगु खाँ जक मखु सम्हय बजीया थःगु हे पहः द अलय् सम्हय ज्वलं या थःगु हे नियम तः नं दः ।

भ्वँ नय हाँ नैगु सम्हयँ बजी याता छ्यलः थौ कन्हे सम्हय बजी ज्याइवःनं याड वयो च्वंगु दः । अलय् सम्हय बजीखय् मदय्क मगागु घासा त छु छु लय् थुकी छक द्रहँ वाड स्वय बलय् खाँ थुइकय् फैं ।

सम्हयबजी खय् बजी मदय्क मगागु छगू नसा जुल । सम्हय बजी धः सेलिं बजी मुख्य जुइगु पक्का हे जुल । बजी नपां सभू सिया बजी (थौ कन्हे गो फगी) भुजिया नं छयाई । बजी न्हपा ल्हूया बजी तै । उगलय् लुसी ल्हूया वा सिय मःगु लिं बजि ल्हूया नपां वासिज्या याय्गु धाय्गु खाँवः अः ताड वानय् धुंकल । व नपां उगः, लुसी, कुसाकुति, भाजं, वता, मा बजि, धेरकछि थजगु नेवः ज्याभःया नां खाँवः त अः न्हँगु पुस्तां मसिय धुंकल । थाना ल्हूया बजी न्हिथाडागुया अर्थ धःसा अः तिनिगःया तिकिं बजी गुगु जिलाजंता नकिगु धाय्गु खाँ खय् खः । सकसिनं स्यूगु खाँ खः ख्वप बजिया निंतिं नं तस्कं लोकं हवागु थाय् खः ।

बजि लिपा लाभाभि, पालु क्वचा, मुस्या (हाकुगु मरुसा सिइगु वा तुइगु) कालागु छ्यें, गुब्ले माडागु छ्यें तै । अलय् सम्हय बजीया छगू मदय्क मगागु नसा धःसा छुयाला खः । छुयाला अपलं गर्दनया लायागु छुयो दय्की । छु जक छुयो बुकः म्वागु तू चिंक खय् वालः पालु-पालु धाय्क चस्स सबः कायो नैगु छुयाला सम्हय बजी खय् दकलय् सागु नसा काथं काई ।

थुली घासा लिपा धःसा आलु वाला, बुबः (भूति, चाना,



उत्पत्त्यागूगु स्वप पौ. ब.छि पौ(पाक्षिक)

ला नं तयो सम्ह्य हवलिगु धायगु चलन दक सिङ्कय् मः । अथेहे यल्य बुड द्यो या जात्रा, खवपय भगवती लगायत अनेक जात्राख्य नं सम्ह्य हवलिगु धायगु न्यडा । गनां स्यू नपां हवलिगु (खवपय भगवतीया जात्राख्य) चलन नं दः ।

खवपय बिस्का जात्रा बलय नं मोहनीया इलय् थें हे सम्ह्य नैगु चलन दः । सम्ह्य बजी कयतापुजा बलय नं पीठय् (थःम्हा मू द्यो थाय्) वाड कयतापुजा सिधय्कः सम्ह्य नय् धुंक स्वः व पिन्ता नं सम्ह्य इड बिङ्गु चलन दः । थुकी धःसा च्वे न्हिथाडा थें याड फुक्क घासा मतः सें लाहातं वः वः गु कायो छम्ह छम्ह इड बिङ्गु चलन दः । अथेहे गनां द्योकय् वानी बलय नासःद्यो विशेष नं स्वः व पिन्ता म्हें सम्ह्य धायो इड बिङ्गु चलन दः ।

न्ह्यागु थजु सम्ह्य बजी भ्वें नय् हाँ नैगु जूगुलिं थव थुब्ले उब्ले थुकि -उकी मधःसिं न्ह्याथाय् न्ह्यागुनं इलय् न्ह्यागुनं थासय् नेवः तय्सं नयगु व नकेगु या ।

हिन्दु धर्मया नीति काथं धःसा अमय ज्वलं ज्यु पुं व मज्युपुं द्यो दक छुटेयाड तःगु नं दः । गुम्हा द्योथाय् बली बिङ्गुमखु व थासय् सम्ह्य बजी नड मखु । सम्ह्यबजी गणेद्योथाय् भिसीं द्यो, थी थी पीठ (ब्रम्हायणी, माहेश्वरी, कुमारी, भद्रकाली, बाराही, इन्द्रायणी, महाकाली, महालक्ष्मी, त्रिपुर सुन्दरी) आदि थासय् नपां स्वनिगः या मू मू थाय् व नेपःया अपलं द्यो देवी थाय् हिंसा याङ्गु बली बिङ्गु चलन दः थाय् नेवः त देकय् वांसा सम्ह्य नैगु चलन अः तकं दःनि । गनां गनां लिस्व सम्ह्य धायो नेकः सम्ह्य नैगु नं चलन दः ।

अलय् महाद्यो, नारांद्यो, बुद्ध द्यो थाय् धःसा बली बिङ्गुमखु अलय् आना दुरु तयो पूजा याङ्गु व शाकाहारी भोजन जक याई ।

थव बाहेकं सम्ह्यबजी खय् डा, व (मायें, मू, कःसू), नं तयगु याई । विशेष याडः श्राद्धया भ्वें हाँ नैगु सम्ह्यखय् वः (कःसू) तयगु याई ।

नेवः समाजय् भ्वें क्वचाङ्गु धौ खं जूगुलिं धौ धःसा सम्ह्यबजी खय् तकी मखु । अलय् तक्वला व स्यू नं सम्ह्य बजी खय् तै मखु । भुरी घासा दय्कसां भूटन धायो नं तकी मखु । छुनं द्योथाय् क्षमापूजा याङ्गुबलय् नं व ब्वः स्यंकः सम्ह्य धायो इड बी ।

अः थी थी नेवः खाजा घर धःथाय्, रेष्टुरेन्टय् हायेंया छुयाला, खाया छुयाला, खसीया छुयाला नपां थी थी छुयाला तयो नेवः समाज जक मखु मेमेगु समाजया मनू तयता नं सम्ह्यबजी नकयता सालः काय् धुंकल । थव छगू नेवः भ्वें ज्वलंया अतिकं लोकं हवागु ज्वलं काथं छ्यल वयो च्वंगु दः । अथेनं सिलाचहे बलय महाद्योया रात्री धःसां मागु लाभा तयो सम्ह्य नै । चच्छी जागराम च्वड च्वनिगु नपां लाभापिड तः पिन्थाड खुयो हयो नैगु चलन काथं माःगु लाभाया घासा बिस्कातक छ्यली ।

सम्ह्यबजी नेव संस्कारया छगू तस्कं बांलागु नसा खः ।

थुगु सम्ह्य दुनय् मतापुं नेवः सायद दैमखु ज्वी । अथेनं बुरांज्याया सम्ह्यता थौं कुसाकुतिं कुलः थाकाय् माल । पायें चिंगु अजगु सम्ह्यबजीया चलन गनां बजी पायें चिनय् धुंकलज्वी उकिता क्वा बलय हे कुसाकुतिं कुलः, लुसीं बल्लाक ल्हूयो, खः बजिथें बांलाकय् माल । अलय् भाजनय् बुकः वासियो वतां सांकः मक्वय्कसिं उगलय् तयो ल्ह्य फःसा सम्ह्य बजी भन भन बांलाई, अलय् थुकी वैगु गुलिनं विकृतिता माबजी हः थें हायो तस्कं माकु बजी नय दःसा हकनं धाङ्गु खईः- 'मायां ब्यूगु स्वकं बजि नं माकुसैं च्वन रे रत्न जि नं छं के माया' दक । धाधां सम्ह्यबजी नेवः समाजय् मायां कें कः च्वनि । भीगु संस्कृति भीगु संस्कार । सम्ह्य बजीया आविष्कारक व सामान्य मनू खै हे मखु । स्वस्थकर काथं फुक्क ताजि-ताजि धासाया छगू छगू वैज्ञानिक पक्ष मदै हे मखु । व दुवालः स्वयगु थौ या आवश्यकता नं खः । नेव संस्कार दुनय् सम्ह्यबजी गुब्ले निसैं वला अलय् सम्ह्यबजी वसां निसैं नेवः तयता त्वः मफिङ्कसिं कः घाड वयो च्वंगु गुलि जुगवाना जुई अथेनं सम्ह्यबजी पुलांमजु, न्ह्याब्लें नःसा उलि हे ताजा उलि हे सा । गुकिया छैं व मुस्यां बियो च्वंगु प्रोटिन थें न्ह्याब्लें नःसा उलि हे ताजा उलि हे सा । लाभा व पालुं थें जिवयता हित याडः च्वंगु हे दः । गुकि च्वंगु थी थी घासाया हिसी थें न्ह्याब्लें हिसी दयो च्वंगु दः । थव छगू थौ तक नं लोक संस्कारया तिसां तियो नेवः संस्कारया घंगला न्ह्याडः नेवम्हासिङ्का पिब्वयो वयो च्वंगु दः । समाजय् थौ तक सामाजिक मूल्य व मान्यता ज्वडः हचिल च्वंगु सम्ह्य बजीया पला गुब्ले गनां हे लुफिं महा, लिचिलय् म्वः ।

सम्ह्यबजीया ब्वः छुयता सुं नं नेवः ता स्यनय् म्वः । अलय् सम्ह्यबजी नयगु नं सुं नं नेवः तयता स्यनय् म्वः । छाय् धःसा सम्ह्यबजी खय् थःगु थाय्या उत्पादनं जः । व लप्ते, टपरा, बजि, निसैं ताजि ल्वसा-घासा फुक्क-फुक्क थःगु हे देशय् सय्कगु हि-चितिया अन्न खः । नसा खः । गुकी भीगु हिचि हाय्केगु सन्देश दः । थःगु तुतिखय् थः हे दानय्गु तहांगु आत्मनिर्भरया शिक्षा दः । अलय् थौ या आधुनिक युगय् अलय् हलिमय्या फुक्क थासय् साम्राज्य चलेयाड च्वंगु व पाश्चात्य संस्कारता च्यालेन्ज बियो सम्ह्यबजी कपःथास्वयो छतिहे मग्यासीं हचिल च्वंगु दः । व चाउ चाउ व केक फुक्कसिता क्वत्यलः सम्ह्यबजी थःगु मौलिक पहलय् दाड च्वना । व भैल देगः थें छति हे छ्यासा मदय्क लुंघवाका थें इज्जत दय्क डातापोल्हें थें धस्वाड च्वंगु दः, छगू नेवःनसा, नेवः संस्कार, नेवः संस्कृतिया ब्याहॉचुलि थें भ्वें नय् हाँ सम्ह्यबजी भीता नकः वयो च्वन भीसं सम्ह्यबजी नयो वयो च्वडा । थव म्हेगु मानय् याड नयो वयो च्वथें थौ तस्कं लयतायो नयो च्वं थें कन्हे नं लयतायो सम्ह्यबजी नयो वानि तिनि । थव भी पुर्खाया बुद्धिया लिचवः भीगु म्हासिङ्का जुगौ जुग म्वाड च्वनि तिनि ।



डय्च्यागूगु स्वप पौ. बःखि पौ(पाक्षिक)

ख्यालि-न्हिलि-ध्याचू चवर्खमि सूर्यबहादुर पिवाः

• बिमल ताम्राकार

१. विषय प्रवेश - परिचय

सूर्यबहादुर पिवाःया जन्म ने.सं. १०४७ गुंलागाः १२ (१९८४ साल भाद्र १८ गते/ १९३७ सेप्टेम्बर २) कुन्हु ख्वपया दुबःसि बहाः, खःमात्वाःलय् जूगु खः । वय्कःया ब्वाः हरिबहादुर प्रधानाङ्ग खःसा मां मैयौ प्रधानाङ्ग खः । सूर्यबहादुर पिवाःया धातुं खःगु नां सूर्यबहादुर प्रधानाङ्ग खःसां साहित्य चवइबलय् सूर्यबहादुर पिवाः, पिवाः, सुरुवाप्याः उपनामं चवयेगु यानादिइ । वय्कःया ब्वाःया लजगाः कापः पसः खः । वय्कलं वहे कापः पसलय् थः ब्वाःयात बनेज्याय् ग्वाहालि यानादिइगु खः । अले वय्कः आखः ब्वनेगु ज्याया श्रीगणेश होमपेथिक डाक्टर पुण्यभक्त मल्लपाखें जुल । वय्कःयात डाक्टर पुण्यभक्त मल्लं थःगु छँसं ब्वंकाः दच्छिया दुनेहे ख्वपया भादगाउँ इङ्गलिश स्कूलय् प्यंगू कक्षा भर्ना यानाबिल । न्हय्गू तगिमय् पास जुया च्यागू तगिमय् येंय् ब्वनेगु ह्वःताः मन्त । श्री पद्म शम्शेर ख्वपय् च्वंगु भादगाउँ इङ्गलिश स्कूलयात ख्वपय्तय्गु इनापय् श्री पद्म हाईस्कूल यानाबिल । अले च्यागू तगिमय् ब्वनाः गुंगू तगिमय् वय्कःया बौ टाइफाइडया ल्वचं कयाः मन्त । अले आखः ब्वनेगु त्वःताः बनेज्याय् लगय् जुयादिल । पासापिनापं जानाः ख्वपय् राजनैतिक जागरण ह्येत शान्ति भक्त विद्यालय स्कूल छगू चायेकल । ख्वपय् साहित्यिक जागरण ह्येत नेपालभाषा व खस भाय्या च्वसु तयाः ‘मत’ नांगु हस्तलिखित लय्पौ न पिथनादिल । श्री ३ पद्म शम्शेर जनतायात ब्यूगु नागरिक अधिकार श्री ३ मोहन शम्शेर बिइकि मबिइ स्वयेत नेपाल प्रजापञ्चायत चायेका श्री गोपालप्रसाद रिमालया नेतृत्वय् कार्यकर्तातय्सं स्वनिगलय् भाषण बिल । भाषण ब्यूपिं सकसितं ज्वना स्वथनाबिल । अले आन्दोलन दिकल । उगु आन्दोलन दिकूह धकाः वय्कःयात ने.सं.(...) ज्वना यंकल । वय्कपिन्त १०६९ माघ शुक्ल प्रतिपदा कुन्हु त्वःतल । वयालिपा यें, वतुइ च्वनाः मस्तय्त छँखाय् वनाः मस्तय्त आखः स्यँस्यं ने.सं. १०७१ दँपाखे प्राइभेट एस.एल.सी. परीक्षा बियादिल । ने.सं. १०७५दँय् प्राइभेट तं आइ.ए. नं पास यानादिल । ने.सं. १०७८दँ त्रिचन्द्र कलेजय् भर्ना जुयाः बी.ए. नं पास यानादिल । ने.सं. १०७३दँय् ख्वपय् देसय् नेपालभाषाया ख्यलय् साहित्यिक जागरण ह्येत श्री विज्ञानबहादुर मल्लयागु

क्वथाय् नेपाल साहित्य मन्दिर नांगु साहित्यिक संस्था स्थापना यानादिल । १०७९ वैशाख कृष्ण सप्तमि कुन्हु शोभनालता प्रधाननापं इहिपाः जुल । वय्कःपिनि छम्ह काय् व निम्ह म्हयाय्पिं दु । ने.सं. १०८१ कछलागाः ३ कुन्हु डिल्लीबजारया कन्या हाईस्कूलय् अन्तर हाईस्कूल नेपालभाषा साहित्य सम्मेलनय् नेपालभाषायात इच्छाधिन विषयय् तयेयंकगु विरोधय् थःगु मांभाय् नेपालभाषां न्ववाःगु द्रपनय् सातिकुन्हु शान्ति निकुञ्ज विद्यालयय् आखः ब्वंका लिहां वयाचवंबलय् ज्वनायंकाः स्वला ति जेलय् कुनाबिल । वय्कःया स्कूल रिटायर जुयेधुंकाः छँसं च्वना नेपालभाषां ध्याचू चवर्ख, ध्याचू कविता इत्यादि च्वयाः अन्तिम इलय् तक नं थःगु मांभाय् नेपालभाषाया सेवा यानाभाल ।

भाजु सूर्यबहादुर पिवाःनं अंग्रेजी, खय् भाय्, नेपालभाषा आदि भाषां चवयेगु ब्वनेगु व ल्हाये सःम्हसिनं नेपालभाषां व खस भासं चवयेगु यानादी । वय्कःया आःतक थीथी पत्रपत्रिकाय् ख्यालः, नाटक, ध्याचू चवर्ख, कविता आदि पिदंगु दुसा सफूकथं आःतक पिदंगु सफू क्वय् बियाकथं दु ।

व्याकरण : १. न्हस्वदीर्घया म्ये (१०७६), २. नेपालभाषा खःकथं चवयेगु लँपु (१०७६), बाल साहित्य : १. मस्तय् सफू - छगूगु (१०७८), २. मस्तय् सफू - निगूगु (१०७८), ध्याचू सफू : १. हँय्छ्यँय् ध्वंवा (१०९८/४२पु ख्यालि न्हिलि ध्याचूया मुना), २. बुहिम्ह ल्यासे (१०९९/२६पु ध्याचू चवर्खया मुना), ३. ब्रेक मदुम्ह मनू (१११८/), ४. दुरुपुखू (११२५/३६पु ध्याचू चवर्ख मुना), जीवनी : १. मा. जगतसुन्दर मल्लया जीवनी (११०३) काव्य : १. भ्नी मरु भाजु (१११८/निइवःनिइवःया व्यंग्यात्मक कविता) खस भासं व्यंग्य कृति : १. मास्टर साहेब (२०३५/२२पु हास्यव्यंग्या मुना), २. घुयँत्रो (२०५५/), ३. भटारो (२०५५/), ४. जिउँदो मान्छेको फेला (२०६१/) ।

चवय् न्हयथनागु व्याकरण निगू, बाल साहित्य निगू, ध्याचू चवर्ख प्यंगू, ध्याचू काव्य छगू, जीवनी छगू अले खय् भाय्या व्यंग्य सफू प्यंगू पिदंगु नापं यायेबलय् वय्कःया आःतक १४गू तःधंगु व चिधंगु सफू पिदंगु खनेदु ।

ताहाकःगु इलंसिं नेपालभाषाया सेवा याना विभिन्न विधायी कृति च्वयाः भ्नाःगुलिं साहित्यया मूलुखा, यलपाखें ‘भाषा-ज्योति’ पदवी लःल्हात । अथेहे नेपालभाषा परिषद्, यँपाखें



‘नेपालभाषा साहित्य-रत्न’ पदवी लःल्हाःगु दु । अथेहे ने.सं. १०९७ दैय् मुनासः गुथिया ग्वसालय् जूगु ख्यालः कासाय् ‘भी साहुजी’ ख्यालः सम्मान व शील त्याकल । अथेहे ने.सं. १११०दैय् खय् भासं व्यंग निबन्ध चव्याः अले प्यंगू सफू प्रकाशन याःगुलिं भैरव पुरस्कार गुठीं ‘भैरव पुरस्कार’ नं लःल्हाःगु दु ।

२. विषय विस्तार - साहित्यकार सूर्यबहादुर पिवाःया व्यक्तित्व

२.१ सम्पादक व्यक्तित्व : न्हापां न्हापां खय् भासं कविता व निबन्ध जक चव्येगु यानाचवम्हसिनं लिपा कुतुबहाः लिक्कसं चवंगु छैय् चवबलय् लस्कद्यःथाय् ज्ञानमाला भजन खलकं नेवाः भासं तुतः ढवनीगु न्यन्यं थःगु मांभाय् नेपालभाषां नं चव्येगु बानी यात । अले खवप देसय् साहित्यिक जागरण ह्येत वय्कलं खय् भाय् व नेपालभाषा निता भाय्या चवसु दुथ्याका ‘मत’ नां छुना हस्तलिखित पत्रिका नं पिकाल । उगु इलय् नेपाः थज्याःगु खिउँथाय् जः हवलेगु अर्थय् ‘मत’ नां छूगु जुयेमाः । न्हापांगु मत हस्तलिखित पत्रिकाया सम्पादक सूर्यबहादुर पिवाःजु खः । वया लिपा भाषाविद् रमापतिराज शर्मा सम्पादक जुयादिलसा वयालिपा थुगु पत्रिकाया सम्पादक तिलक प्रकाशजु जुयादिल । थव पत्रिका मुक्कं नेपालभाषा जक पिदंगु खँ भाजु तिलक प्रकाशजु कनादिइगु दु । थव पत्रिका छम्ह वाचकं चवसु ढवनाहइगु मेपिं निम्ह स्वम्हसिनं गनेद्यवं थें कापीइ आखः ल्ह्यइगु खः । अले व कापी पासापिनि चाःचाःहिका ढवनेगु याइगु जुयाचवन । सूर्यबहादुर पिवाःजु खवपं पिदंगु दकले न्हापांगु नेपालभाषाया हस्तलिखित पत्रिकाया सम्पादक जुयाः हस्तलिखित पत्रिकाया शुभारम्भ यानादिल । वयालिपा खवपय् शिशु, तिमिला, सकलें दँ इत्यादि हस्तलिखित पत्रिका पिदंगु न्यनेदु ।

२.२ व्याकरणविद् व्यक्तित्व :

ने.सं. १०७३दैय् यँया शान्ति निकुञ्ज स्कूलया हेडमास्टर जगतसुन्दरजु सूर्यबहादुर पिवाःयात मास्टरया रुपय् ज्या तयादिल । वय्कलं अन नेपालभाषा विषय ढवकेगु यानादिल । अले नेपालभाषा ढवकेबलय् शुद्धकथं नेपालभाषा चव्ये सयेकेबिये नं माल । अले वय्कलं दकले न्हापां मेहना नेपालभाषाया व्याकरण सफू चव्यादिल । मेहना व्याकरण दइबलय् मे थें व्याकरण न्ववयेकाः विद्यार्थीतय्सं नेपालभाषा व्याकरण शुद्धकथं चव्येफइगु जुल । वय्कःया न्हापां ने.सं. १०७६दैय् पिदंगु व्याकरण सफू ‘ह्रस्व दीर्घया म्ये’ खः । मांआखः व बाआखःयात कया दुहाँ चव्या, नां, क्रिया, विशेषण, सर्वनाम, विदेशी शब्द, ट,ठ,ड,ढ,णया

उय्च्यागूगु स्वप पौ. बःछि पौ(पाक्षिक)

छ्यला, श व षया छ्यला, ब व वया छ्यला चव्याः लिपा नेपालभाषाया पहः यात कयाः मे चिनातःगु दु । अथेहे गद्यात्मक रुपं वहे व्याकरणाया खँयात खःकथं चव्येगु लँपु धकाः नां छुना व्याकरणाया ख्यलय् निगूगु पलाः छिनादीगु दु ।

२.३ बाल साहित्य व्यक्तित्व :

मचातय्त थःथःगु मां भासं आखः स्यन धाःसा मथां आखः सयेकेफइ । अथेहे थःथःगु मांभासं आखः ढवनेदइगु प्रत्येक मचातय्गु नैसर्गिक अधिकार नं खः । सूर्यबहादुर पिवाःजु थःगु सफू ‘मस्तय् सफू निगूगु’स धयातयादीगु दु, ‘भी मस्तय् न्हयपु-विकास यायेगु हे खःसा भीसं अमित मां-भासं शिक्षा बियेगु यायेमाः ।’ वय्कःया न्हापांगु मचातय्गु सफू ने.सं. १०७२दैय् पिदंगु खः । उगु इलय् नेपालभाषां ढवने दुसां पाठ्य सामग्रीया अभाव खनेदु । उकिं छम्ह मास्टर जुयाः मस्तय्त ढवनेज्वलं तयार यानाबियेगु ज्या थःगु दायित्व भाःपाः वय्कलं मस्तय्त ‘मस्तय् सफू १’ १०७२दैय् चव्याबियादिल । उकिइ मस्तय् ल्वःगु भासं नीपु थीथी शीर्षकय् कविता, मे, बाखं, निबन्ध इत्यादि चव्यातयादिगु दु । अथे हे ने.सं. १०७८दैय् वय्कःया मस्तय् सफू निगूगु पिदंगु खनेदु । गुकिया चिनाखँ, चवखँ, खँल्हाबल्हा, जीवनी, क्वाः, बाखं, पत्र, सामान्य ज्ञान, न्हयसःलिसः, कासा इत्यादि थीथी शीर्षकया नीन्यापु चवसु दुथ्याः । वय्कलं थुकिया अलावा मस्तय् सफू स्वंगूगु, प्यंगूगु, न्यागूगु नं चव्यातयादीगु खःसां पिदंगु खनेमदु ।

२.४ व्यङ्ग निबन्धकार व्यक्तित्व :

सूर्यबहादुर पिवाःजुया दकले जाहां थीगु व्यक्तित्व धयागु हास्य व्यंगकार व्यक्तित्व खः । वय्कलं तःता विधाय् थःगु ल्हाः चव्येकादिउसा लिपा थ्यंक थीर जुइक चवसा न्ह्याकूगु विधा ख्यालिन्हिलिध्याचू चवखँ खः । वय्कलं जीवनया उत्तरार्द्ध अन्तिम इलय् तक नं थीथी विषययात कयाः ख्यालिन्हिलिध्याचू चवखँ चवयावन । वय्कलं नेपालभाषां प्यंगू ध्याचू चवखँ मुना व नेपालीभाषां प्यंगू यानाः ब्याक्कं याना दगू ध्याचू चवखँ सफू चव्याः पिकयावन । अथेहे वय्कःया ध्याचू निबन्ध उखेथुखे पत्रपत्रिकाय् चिच्याय् लानाचवंगु दनि । नेपालभाषां पिदंगु वय्कःया ध्याचू चवखँया कृति थथे दु - १. हँय्खँय् धवँवा (१०९८), २. बुहिम्ह ल्यासे (१०९९), ३. ब्रेक मदुम्ह मनू (१११८) व ४. दुरुपुखू (११२५) । नेपालीभाषां पिदंगु हास्य व्यंगया प्यंगू सफूया नां थुकथं दु - १. मास्टर साहेब (१०९९), २. घुयँत्रो (१११९), ३. भटारो (१११९) व ४. जिउँदो मान्छेको फेला (११२५) । वय्कलं



नेपालभाषा ध्याचू चवखँ प्यंगू चवयादिल । अथेसां उकिया मूल्यांकन मजू । तर पत्या भासं प्यंगू सफू चवःगुलिं भैरव अर्याल गुठी वय्कःयात भैरव पुरस्कारं सम्मानित यात । अथेसां वय्कःया भाषाज्योति व भाषारत्नं नेपालभाषा ख्यलं ब्यूगु सम्मानयात नं म्हवचा तायेके मजू ।

२.५ जीवनीकार व्यक्तित्व :

नेपालभाषाया प्यंगः थामय् छगः थां खवप देय्या मास्टर जगतसुन्दर मल्ल खः । वय्कःया मथां आखः सयेकेता मांभासं बवनादिसँ धकाः धयादिइम्ह खः । वय्कः सकल जातीया थःथःगु मांभाय् माध्यम भाय् जुयेमाः धयागु बिचाः तयादिइम्ह खः । वय्कलं नेवाःतय् अंग्रेजीभाय् स्यनादिइबल्य Cat क्यात् क्यात् माने भौचा धकाः स्यनादिइम्ह खः । अज्याःम्ह व्यक्तित्वया न्हापांगु जीवनी सफू चवयेगु ज्या सूर्यबहादुर पिवाःजुं यानादिल ।

२.६ नीस्वनामि व्यक्तित्व : ध्याचू चवखँमि भाजु सूर्यबहादुर पिवाःया खँवलं धायेबल्य 'मनूतयसं थःगु मातृ भाषा व संस्कृति प्रति श्रद्धा व माया यायेमाः धयागु जिगु बिचाः दु । भाषा व संस्कृति सुं जातिं नं त्वःते मजिउ धयागु जिगु सिद्धान्त । हानं साहित्यया नं उत्थान मज्वीक भीके दुगु कुसंस्कार वनी मखु ...' तुंपुं खः । खवप देसय् साहित्यिक जागरण हयेगु ल्याखं विज्ञानबहादुर मल्लया क्वथाय् थः व थःपासापिं जानाः 'नेपाल साहित्य मन्दिर' नांगु संस्था नीस्वनादिल । अले उगु संस्थाय् नायः सूर्यबहादुर पिवाः, छ्याञ्जे रमापतिराज शर्मा व मेमेपिं विष्णुचरण राय, गोपालकृष्ण हाडा, दामोदरप्रसाद मल्ल, तेजेश्वरबाबु ग्वंगः, धुवनारायण कायस्थ, तिलकप्रकाश कायस्थ खः । थुगु मन्दिर नीस्वसानिसँ ने.सं. १०८३ई तक दँय्दँसं मोहनीबल्य त्वाःत्वाल्य नेपालभाषा साहित्य सम्मेलन व सांस्कृतिक कार्यक्रम नं क्यनावल । थुकिया अलावा शान्ति भक्त विद्यालय नीस्वनेगु ज्या नं यानादिल ।

३. उपसंहार

सूर्यबहादुर पिवाःनं थःगु चवसु पत्रपत्रिका पिथनेगु इवल्य थःगु थीथी नां छ्यालावःगु खनेदु । वय्कलं दकले न्हापां चवसु पिथंबल्य सूर्यबहादुर प्रधानांग, वयालिपा सूर्यबहादुर प्रधानांग पिवाः, पिवाः अले सूर्यबहादुर पिवाः धका लिपा थूलं श्व हे नामं चवयेगु यात । गबले गबले धाःसा सूर्याप्या धकाः नं छद्म नामं चवयेगु मयागु मखु । सूर्यबहादुर पिवाःजु थःगु मांभाय्या मतिनामि खः तर अथे धकाः मेगु भाषाया विरोधी नं मखु । वय्कलं

इयच्यागूगु स्वप पौ. बःछि पौ(पाक्षिक)

नेपालभाषां चवयेगुया नापनापं नेपालीभाषां नं चवयेगु यानादिइ । छम्ह चवमियात भाषाया पःखाःदुने पाखुये मजू । वयात स्वतन्त्र रुपं गुगु नं सःगु भाय् खः व भासं चवये बियेमाः । सूर्यबहादुर पिवाःजु राणा इलय् देशय् प्रजातन्त्र हयेत क्रान्तिइ दुबानादिल । अथेहे रेडियो नेपालं नेपालभाषां समाचार बियेगु नापं जीवनदबू कार्यक्रम नं दिका ब्यूबल्य उकिया नं विरोध यानादिल । नेपालभाषायात ऐच्छिक बिषयकथं तयेयंबल्य नं विरोध याना दिल । वय्कःयाके अन्याः सह यानाचवने मफु । थुकिं याना हे वय्कःयाके क्रान्तिकारी स्वभाव दुगु सिइदु । नेवाःतय्सं थःथः मस्तय् नेवाःभाय् मस्यंसे कतःभाय् स्यनीगु पहःयात तसकं विरोध यानादिइ । नेपालभाषाया भविष्यप्रति वय्कः तसकं चिन्तित खनेदु ।

वय्कलं दकले न्हापां नेपालभाषां थःगु चवसा कविता चवया न्ह्याकादिल । समग्र रुपं धायेबल्य पूर्वाद्ध काल्य व्याकरण, मचा साहित्य थकायेत थःत फ्यानादीगु दु । अथे धयागु श्व इलय् न्हस्वदीर्घया म्ये (१०७६), नेपालभाषा खःकथं चवयेगु लँपु (१०७६), मस्तय् सफू - छगूगु (१०७८), मस्तय् सफू - निगूगु (१०७८) चवयाः प्रकाशनय् हयादिइगु दु । अले वय्कःया उत्तरार्द्ध काल्य ख्यालिन्हिलिध्याचू चवखँ व चिनाखँ चवये पाखे थःत फ्यानादीगु दु । वय्कलं समाजय् दुगु जातभात, थीत्यः मत्यः, अन्याः, अत्याः, कुरीति, अन्धविश्वास, मांभाय्यात याइगु नागःतुगः थज्याःगु विषयल्य ख्यालिन्हिलि ध्याचूया माध्यमं समाजयात न्हयलं चायेकेगु कुतः यानादिल । वय्कलं चवसां चवयाः जक मखु दबुलिइ न्ववायेगु इवल्य नं सकसितं सचेत यानादिइ । वय्कलं थःगु रिटायर लाइफ शुरु जुयाः थः मदये न्हयःतकया ईया दुने ध्याचू चवखँ यक्व चवयादिल । वय्कःया पत्याः खः चवसाया माध्यमं समाजय् हिउपाः हयेफइ । तर वय्कःया जीवनया उत्तरार्द्ध काल्य छथाय् न्वचु बियेगु इवल्य आः चवसा मखु, भीसं थःगु अधिकार कायेत तुपः हे ज्वनेमाः धकाः न्ववाना दिउगु नं लुमंकेबह जू ।

भाषाज्योति, भाषारत्न सूर्यबहादुर पिवाःजुं म्वानाजःछि राजनैतिक रुपं सचेत जुयाः व्याकरण, मचा सफू, जीवन, ख्यालः, ख्यालि न्हिलि ध्याचू चवखँ चवया थम्हं फु थें थःगु मांभाय् नेपालभाषाया सेवा याना भाल । वय्कलं ल्यंगु ज्या भी सकसिया ब्वहल्य दिका भाल । अज्याःम्ह व्यक्तित्वया पलाःचिं लिना भी सकले देय् व नेपालभाषा थपुकेगु ज्या न्हयज्यायेमा । वय्कःयात हनेगु ज्या श्व हे जुइ ।



डय्च्यागूगु खप पौ. बःछि पौ(पाक्षिक)

खप नगरपालिकाया ज्या भवः त

खप नगरपालिकाया कर्मचारीपुं नपालायगु ज्या इवः

फागुन २५

खप नगरपालिकाया प्रमुख सुनिल प्रजापति जुं तालिम कर्मचारीपिन्ता कार्यसम्पादनया नितिं ज्ञान बिडगु नपां ब्यक्तिगत ज्ञान सीप, व ब्यवहारय् ह्यूपा ह्यो न्ह्याथिन्योगु पंगः चिडकेता घ्वासा बिडगु खाँ काड दिल् ।



मंगलबार खप नगरपालिका पर्यटन शाखाया कर्मचारीपुं नपालायगु इवल्य च्वयया खाँ कांसे मार्ग निर्देश याड दिसे नगर प्रमुख प्रजापतिजुं कर्मचारीपिसं अध्ययन खय् बः बियमः गु व देशयाता मभिनिगु ज्या याडपुं कर्मचारीत म्हासिडकः अपुं नपां सचेत जुयो जुयमः धायोदिल् ।

इमान्दारी व निस्वार्थी भावनां यागु ज्याखं जक समाजय् इज्जत व प्रतिष्ठा बढ्यजुडगु खाँ ब्याकसें वयकलं राजनीतिखय् राजनैतिक नैतिकता मदय्कः मगागु खाँ काड दिल् । वयकलं प्र.मं ओली यागु संसद विघटन स्वाभाविक प्रक्रिया खःसांतबि सर्वोच्च अदालतं यागु संसद पुनः स्थापनां देश भं भं अस्थिरता पाखय् घ्वा घ्वां यंक च्वंगु खाँ ब्याक दिल् ।

खप दे ता पर्यटकीय गन्तब्यस्थल दय्केगु कुतः न्ह्याडं

तुं च्वंगु खाँ ब्याकसे प्रमुख प्रजापति जुं कोभिड महामारीया दश्वी नं खप नगरपालिकां थानाया विकास निर्माण व संस्कृति सम्पदा म्वाकः तयगु ज्या चतारं याय् दःगु छगू अवसर काथं कायागु खाँ काड दिल् ।

खप दे ता पर्यटकीय गन्तब्यस्थल दय्केगु कुतः न्ह्याडं तुं च्वंगु खाँ ब्याकसे प्रमुख प्रजापति जुं कोभिड महामारीया दश्वी नं खप नगरपालिकां थानाया विकास निर्माण व संस्कृति सम्पदा म्वाकः तयगु ज्या चतारं याय् दःगु छगू अवसर काथं कायागु खाँ काड दिल् ।

वयकलं नेपालय् साम्राज्यवादी देशतय्सं चलखेल याड च्वंगुलिं सचेत यासे नेपः देता ख्युंथाय् घ्वाडः यंकगुलि मदिक्व जुयो च्वपुं साम्राज्यवादी देशया चरित्रया खाँ कर्मचारीपुं सचेत जुयमः धायोदिल् ।

ज्या इवः सं खप नगरपालिका पर्यटन शाखाया प्रमुख गौतम प्रसाद लासिवा जुं ई काथं कर्मचारीपिसं दक्षता दय्कः जुय मफूसा थःगु ज्यासानय्गु लागाय् दक्ष कर्मचारी जुयो हज्याय् मफैगु खाँ ब्याकसे पर्यटन लागाय् कोभिड १९ या जोखिमं लाकगु बाँमलागु लिचवः या खाँ ब्याकसे खप देता पर्यटकीय गन्तब्यस्थल काथं हछ्याय्ता देशं दुनयया पर्यटकत दुकाय्मः धायोदिल् ।

खप नगरपालिकाया प्रशासकीय अधिकृत दामोदर सुवालजुं कर्मचारीतय्सं कर्यालयया प्रशासनिक अनुशासन पालना याय्मःगु, आर्थिक पारदर्शिता, ब्यक्तिगत सरसफाई व आचरण, स्वभावय् ध्यान तय्मःगु खाँ ब्याक से ई काथंया बौद्धिक क्षमतां जाय्कः शैक्षिक योग्यता व कार्य दक्षता बढे यायां यंकय् मः धायो दिल् ।

ज्या इवःसं खप नगरपालिकाया मुरज दिदियां नं न्वचु तयो द्यगु खः ।

चेसया कासामि पिन्ता खेलसामग्री व ट्याक सेट इड बिल्

खप नगरपालिकाया प्रमुख सुनिल प्रजापतिजुं खप नगरपालिकाया ग्वसालय फागुन २९ गते निसे चैत्र ३ गते तक जुडगु 'अन्तर नगर चेस धिं धिं बल्ला कासा' खय् खप नगरपालिका पाखं ब्वति कायो द्यपुं पुचः खप ए व खप बी या कासामि पिन्ता फागुन २८ गते म्हितेगु सामग्री व ट्याकसुट इड बिल् ।





डय्च्यागूगु स्वप पौ. बःछि पौ(पाक्षिक)

नगर प्रमुख प्रजापति जुं कोरोना खोप केन्द्र निरीक्षण

खप नगरपालिकाया प्रमुख सुनिल प्रजापति जुं फागुन २६ गते खप नगरपालिका दुनय कोभिड १९ विरुद्धया खोप याक चवंगु थासय् भायो निरीक्षण यो भाल ।

निरीक्षणया इवल्य वयकलं जनस्वास्थ्य सेवा केन्द्र च्याम्हासिंह, सिद्धिस्मृति महिला व बाल अस्पताल, भेलुखेल, जनस्वास्थ्य सेवा केन्द्र भगवती स्थान, भक्तपुर अस्पताल, दुधपाटी व इवामुरा अस्पताल, सल्लाघारी भायो निरीक्षण याड दिसे आनाया छु गथे जुयो चवंगु यथार्थ जानकारी कायोदिल । खप नगरपालिका दुनय कोभिड १९ रोगया विरुद्धया न्हापांगु चरणया खोपय् याकिगु अभियान २०७७ साल फागुन २३ गते आइतबार निसें सुरु जुयो चवंगु खःसा खुइडादा दःपुं थाकालिपुं जेष्ठ नागरिकपिन्ता नं चव्य न्हाडागु स्वास्थ्य केन्द्रे मध्ये काथं लागु केन्द्रं खोपय् याक चवंगु दः ।

निरीक्षण याय्गु इवल्य वयकलं केन्द्रया ग्वाहालिमि (स्वयम सेवक) व स्वास्थ्य कःमि पुं नपां खोपकःपुं थाकालिपुं जेष्ठ



नागरिक पिनिगु स्वास्थ्यया बारे छु गथे दः जक न्यडः, थुइकः द्यूगु खः । वयकलं कोभिड १९ विरुद्धया खोप नगरबासी सकलसिनं खोप कायो उगु ल्वचं मपुंकः तय्ता जिम्मेवारीपूर्वक थःगु कर्तव्य पालन याय्ता निर्देशन बियो दिल ।

खपया स्वकगु जिल्ला सभा बैठक ववचाल

फागुन २८

खप नगरपालिकाया प्रमुख सुनिल प्रजापति जुं सांसद जू पुं नीति निर्माता जूगुलिं भौतिक निर्माणया ज्या स्थानीय तहता बियमःगु लि बःब्यूसे संघ व प्रदेश स्थानीय थासय् मः काथंया निर्माणता हःन्य तयो ज्या सानिगुलिं स्थानीय तहल्य बजेट छ्वयो हयमः धायो दिल ।

जिल्ला समन्वय समिति खपं सः तगु स्वकगु जिल्ला सभा बैठकय् नगर प्रमुख प्रजापति जुं जिल्ला समन्वय समिति खपया औचित्यताया न्ह्यसः थाड दिसे अः पिब्वगु नीति व ज्याइवः एन



जिओ/आइ एन जि ओ या प्रतिवेदन थें जक जूगु द्वपं बियो दिल ।

वयकलं निजीकरणया पालिड जुइपुं समाजवादी जुय मफैगु खाँ काड दिसे देशता समाजवाद उन्मुख दिशापाख्य हछ्याय्ता जनप्रतिनिधिपुं लगय् जुयमः धायो दिल । वयकलं खपया प्यंगु नगरपालिकाता कोषय् दःगु धेबा उथिं ग्यंक निकास याड बियमःगु व सभाया नीति व ज्याइवः ख्य खप नगरपालिकाया निति सञ्चित कोषया बारे न्हाडा मतःगु या कारण छु खः? दक न्ह्यसः तयो दिल ।

ज्या इवःया सभा नायो जिल्ला समन्वय समिति, भक्तपुरया नायो नवराज गेलालं जिसस बैठकं पारित यागु नीति व ज्या इवः न्ह्यव्वयो द्यूगु खः । उगु ज्या इवःसं खप नगरपालिकाया उपप्रमुख रजनी जोशी, सूर्यविनायक नगरपालिकाया प्रमुख वासुदेव थापा, सूर्यविनायक नपाया उप प्रमुख विष्णु बास्तोला, स्वकगु जिल्ला सभाया दुजःपुं उपस्थित जूगु खः । बैठकसं जिल्ला समन्वय समितिया उप-प्रमुख सरिता कुँवर जुं लसकुस याड द्यूगु खःसा जिल्ला समन्वय अधिकारी जगन्नाथ लामिछाने जुं जिसस भक्तपुरया योजना, बजेट व ज्याइवः न्ह्यव्वगु खः ।

नीति व ज्याइव व बजेट विषयसं नगर प्रमुख सुनिल प्रजापति व उप प्रमुख रजनी जोशी असहमति प्वंक द्यूगु खः ।



डय्च्यागूगु खप पौ. बःछि पौ(पाक्षिक)

च्यागू तगिंया स्थानीय पाठ्यक्रमया प्रबोधिकरण

खप नगरपालिकाया स्थानीय पाठ्यक्रम 'खपको पहिचान' आधारभूत तह (च्यागू तगिं) या ब्वंकिपुं शिक्षक पिन्ता प्रबोधिकरण ज्याइवः शुक्रबार जुल ।

ज्या इवःसं न्वचु तयो दिसे खप नगरपालिकाया प्रमुख सुनिल प्रजापति जुं खपया सामाजिक, राजनैतिक, सांस्कृतिक व भौगोलिक अवस्थाया विषय ब्वनामिपिन्ता शिक्षित याय्गु मतिं



खप नगरपालिकां स्थानीय पाठ्यक्रमया अवधारणा दय्कः नगरदुनय्या ९२ गू ब्वनय् कुथि हे ब्वंकय्गु ज्या न्ह्याकगु खाँ ब्याक दिल ।

वयकलं पाठ्यक्रमय् दुथ्यागु फुक्क विषयत व नपां स्वापु दःपुं विज्ञ (सः स्यू, थू) पुं नपां छलफल याड दय्कगु खाँ नपां खप नगरपालिका पाठ्यक्रम दय्क स्थानीय पाठ्यक्रम ब्वंकगु देशयाय् हे न्हपांगु स्थानीय तह खः धायोदिल ।

समाजया मगाः मभिं, मचः पाखं ब्वनामिपिन्ता छख्य लिइकः असल व सभ्य नागरिक ब्वंलांकेगु मतिं खप नगरपालिकां पला हछ्यागु खाँ ब्याक दिल ।

ज्या इवःसं खप नगरपालिका स्थानीय पाठ्यक्रम निर्माण कार्यदलया कजि योगेन्द्रमान बिजुक्छें, दुजःपुं सिद्धिरत्न शाक्य, उद्धव सुजखु, रोशन राज तुइ तुई व राजेन्द्र प्रसाद श्रेष्ठ जु पिसं पाठ्यक्रमय् दुथ्यागु विषयया प्रस्तुतीकरण क्यड दिलसा उगु ज्या इवःखय् खपया ६२ गू ब्वनय्कुथिया शिक्षकपुं भःगु खः ।

निओफ्यूजन इन्स्टिच्यूटय् दसिपौ लः ल्हात

फागुन २९

खप नगरपालिकाया प्रमुख सुनिल प्रजापतिया मू पाहाँलय् निओफ्यूजन स्कूल अफ कम्प्युटर इन्स्टिच्यूट ब्यूगु भिडियोग्राफी, फोटोग्राफी, वेब पेज, डिजाइन, एकाउन्टिङ प्याकेज नपां थी थी तालिमया प्रशिक्षक व प्रशिक्षार्थीपिन्ता दसिपौ व लय्ता पौ लःल्हाडद्यूसे नगर प्रमुख प्रजापति जुं न्हँ न्हँगु प्रविधि छ्यल्य सय्वं जीवन उपयोगी सीप व ज्ञान सय्केगु अवसर दःगु खाँ ब्याक दिल । कानुन जिंसिसिया धायां पार मजुइगुखाँ ब्याकसे फोटोग्राफी तस्कं महत्वपूर्ण पेशा जूगुलिं औचित्यपूर्ण व अर्थपूर्ण किपा काय् फःसा ब्यक्तित सफल जुयता ग्वाहाली याइगु खाँ काड दिल ।

वयकलं फोटोग्राफीयें तुं भिडियोग्राफी नं तस्कं महत्वपूर्ण जूगुलिं यो यो थें म्वःमरुगु फोटो काइगु, भिडियो दय्किगुलि साइबर अपराध अप्वयो वयो च्वंगु थः कय् दःगु ज्ञान व सीप जिम्मेवारी पूर्वक छ्यलय्ता मार्गनिर्देश याड दिल । ज्या इवखय् ब्वति कायो द्यूपुं प्रशिक्षार्थीपिन्ता ब्यक्तिकेन्द्रित प्रवृत्तिं समाज व देशता भिं मयाइगु खाँ ब्याकसे थःकय् दःगु ज्ञान व सीप समाज केन्द्रित ढंगं हछ्याय्ता प्रेरित यासे थःगु पेशाखय् सफल जुयता इमान्दारिता, अनुशासन व नैतिकता मदय्क मगा धायोदिल ।

खप नगरपालिका वडा नं. ७ या वडाध्यक्ष उकेश कवां जुं तालिमकायो सय्कगु सीप व ज्ञान समाजया सेवा याय् मः धायो दिसे ल्यासे ल्याम्होपु. देशय् जुयो च्वंगु घटना क्रम सय्क-

सिइक च्वनय्मः धायोदिल । वयकलं न्हँ न्हँगु प्रविधिता छ्यलः देश व समाजता हछ्याइपुं न्हँगु पुस्ता दय्मः धायोदिसे खप नगरपालिकां ल्यासे ल्याम्होपिन्ता लाहातय् ज्या दैगु तालिम नपां ब्यवहारिक ज्ञान नं स्यड च्वंगु खाँ ब्याक दिल ।

इन्स्टिच्यूटया निर्देशक नपां कार्यक्रमया सभानायो बालकृष्ण वनमालां खप व मेमेगु जिल्लाया प्रशिक्षार्थीपिन्ता इन्स्टिच्यूट थी थी तालिम ब्यू ब्यू वयो च्वंगु खाँ ब्याकसे निओफ्यूजन प्रशिक्षार्थी पिनिगु सीप व दक्षता दसि पौ ब्यू ब्यू वयो च्वंगु खाँ ब्याक दिल ।

ज्या इवःसं भिडियो ग्राफीया प्रशिक्षक श्री कृष्ण तुइ तुई, वेबपेज डिजाइनया प्रशिक्षक निरञ्जन बेकोजू, कम्प्युटरया प्रशिक्षक राधा ब्याञ्जु व ज्याइवः न्ह्याकामि सन्ध्या हेंगवजू नं थः थः गु बिचः प्वंकः द्यूगु खः ।

मू पाहाँ सुनिल प्रजापति जुं व वडाध्यक्ष उकेश कवां जुं थी थी प्रशिक्षक व प्रशिक्षार्थीपिन्ता दसिपौ लः ल्हाड दिल ।



डय्च्यागूगु स्वप पौ. बःछि पौ(पाक्षिक)

अन्तरनगर चेस व खप नगरब्यापी विद्यालय स्तरीय कासा उलेज्या



खप नगरपालिकाया गवसालय २०७७ फागुन २९ गते निसैं चैत्र ३ गते तक जुइगु अन्तर नगर चेसया धिं धिं बल्ला कासा व खप नगर ब्यागु थी थी धिं धिं बल्ला कासाया उलेज्या शनिबार नेपाल मजदुर किसान पार्टीया हानय् बहम्हा नायो नारायणमान बिजुक्छैं (का.रोहित) जुं त्वादेवः खय् मता च्याकः याड दिल् । सहिद दिवसया लसताय् जूगु उगु ज्या इवःसं मू पाहां बिजुक्छैं जुं 'चेस कासा छगू काथंया लडाईं (हताल) खः धायोदिसे राजनीतिक कार्यकर्ता तय्के दयमःगु नागरीक भावना म्हवैं जूयो वांगुलिं अमिगु उद्देश्य व व्यवहारय् पाःगु खः थथे जूगुया दोषी शासक दल हे खः धाय्गु ट्रपं बिया दिल् । खप नगरपालिकां दय्कगु स्थानीय पाठ्यक्रमय् नागरिक भावना व देशभक्तिपूर्ण भावना नं दुग्यंगु पाठत दुथ्याकय्मः धायोदिसे वयकलं कासामिपिसं कासा पाखं देशता म्हासिइक बियगु काथं म्हितय् मः धायोदिल् । चेसकासा बुद्धिया कासा जूगुलिं थुकिं कासामिपिनिगु मानसिक विकास याय्गु नं ग्वाहाली याइगु खाँ ब्याकसे वयकलं कासा मित्रताया लागिं म्हितय् मः नपां शारीरिक स्वस्थताया नितिं नं कासा म्हितय् हे मः धायोदिल् ।

वयकलं खप नगरपालिकां गवसः गवगु नगरस्तरीय व

विद्यालय स्तरीय कासाया धिं धिं बल्ला कासाता कासाया छगू महोत्सव खः धायोदिसे कासामिपिसं आत्मकेन्द्रित जुयो कासा म्हितयता जक मखुसैं देया सांभौमिकता रक्षाया नितिं जुयमः धायोदिल् ।

ज्या इवःया सभाया नायो खप नगरपालिकाया प्रमुख सुनिल प्रजापति जुं खप दे प्यन्हूतक न्ह्याथाय् नं कासा जुयो चवंगु छगू महोत्सव थें जुइगु नपां कासा ब्यवस्थित व अनुशासित काथं क्वचाइगुलि विश्वास प्वंक दिल् । खप नगरपालिकां काथं मछिंगु इलय् नं काथ.छिंथें याड थुगुसी अन्तरनगर चेसया धिं धिं बल्ला कासा न्ह्याकय्तांगु खाँ ब्याकसे खप दे ता चेस कासां नं म्हासिइकय् वियता कासामिपिन्ता नं उत्साहित याय्ता थुगु कासाया धिं धिं बल्ला याडागु खाँ ब्याक दिल् ।

ज्या इवःसं वागमती प्रदेशया सभासद सुरेन्द्र राज गोसाईं जुं न्हूगु पुस्ताता खपया अग्रज ब्यक्तित्व पिनिगु व सहिदपिनिगु योगदानया धातथेंगु खाँ कानय्गु भीगु कर्तव्य खः धायोदिसे स्वीदा दुनय् शासक दलपिसं नेपःमि पिनिगु जविनय् भ्या भाति हे ह्यूपा ह्यमफूगु नपां दुर्गम जिल्लाय् पित्या , अशान्ति, हत्या-हिंसा ज्यंकय्गु स्वयो भन अप्व जुयो चवंगु दः धायोदिल् ।

वयकलं ल्यासे ल्याम्होपु. ढवनामिपिसं राजनीतिता बिस्कं



उद्योगीय रूप पौ. ब. छि पौ. (पाक्षिक)

तय मज्यूगु सल्लाह बिया दिसे अः देशया शासक दलया नेता तयके नैतिकता मरुगुलिं दुःख सिय मःगु खौं काड दिल । अलय कासामिपिसं मित्रवत नपां अनुशासित जुयो कासा खय् ब्वति कायो दियता सकल कासामिपिन्ता प्रोत्साहित याड दिल ।

खप नगरपालिकाया उप-प्रमुख रजनी जोशी जुं कासाया धिंधिं बल्ला कासां नगरबासीपिनिगु फुर्ती बढे जुइगु नपां उत्साहित जुइगु व कासा च्वजाय्केता ग्वाहाली जुइगु आशा यासे खप चेस कासाखय् नं हज्याड च्वंगु खौं ब्याकसे कासा त्याबु स्वयो भाइचारा व सहिष्णुताया लागिं म्हितय् मः धायोदिल ।

खप नगरपालिका वडा नं. ७ या वडाध्यक्ष उकेश कवां जुं कासाया धिंधिं बल्ला व कासामीपिन्ता यागु हानेज्याखं कासामिपिकय् न्हूगु उत्साह ताड वैगु नपां खेल विकासयाय्ता ग्वाहाली नं जुइगु, कासाया धिंधिं बल्ला खं ब्वनामिपिनिगु शारीरिक व मानसिक विकासय् ग्वाहाली नं जुइगु व देया गौरब नं च्वजाइगु खौं ब्याक दिल ।

नेपाल बुद्धिचाल संघया नायो एकलाल श्रेष्ठ कोभिड ल्वयया महामारी म्हवैं जूयो काथं छिंथें च्वडः वगु इलय् नेपाल बुद्धिचाल संघं थी थी कासाया धिंधिं बल्लाया ग्वसः ग्वयो न्ह्याकय् धुंकगु खौं ब्याकसे कासामिपिनिगु बौद्धिकता विकास याय्ता नेपः देशं विदेशय् अपलं कासामिपुं ब्वति काइगु कासा मध्ये खः धायोदिल ।

अथेहे महानगरीय प्रहरी परिसरया खपया प्रहरी उपरीक्षक तारादेवी थापा जुं कासा मनूया जीवनया छगू अड्ग खः धायोदिसे व्यक्तिगत विकासय् नं कासाया स्वापु दःगुलिं कासां मनूया जीवनय् बालागु ज्या याइगु खौं काड दिल । वयकलं कासाखय् जुइपुं ल्यासे-ल्याम्होपुं स्यना धःगु खौं अः मखय् धुंकल धायोदिसे बौद्धिक

कासाखय् ल्यासे ल्याम्हो पिन्ता छ्यलय् मः धायोदिल ।

ज्या इवःसं उद्योग वाणिज्य संघया नायो प्रदिप श्रेष्ठ जुं लसकुस न्वचु तयो दिसे अतिरिक्त क्रियाकलापं ब्वनामिपिनिगु व्यक्तित्व विकासय् नपां राष्ट्रिय व अन्तर्राष्ट्रिय लागाय् सफल जुय फय्किगु खौं काड दिल ।

अथेहे घरेलु तथा साना उद्योग संघया नायो प्रेमकृष्ण खर्बुजां कासाया धिंधिं बल्ला तस्कं तः लाय्मः धायोदिसे कासाता मित्रताया काथं कायो ब्वति काय्मः धायोदिल । कासाखं ब्वनामिपिनिगु चाकलीं विकास जुइगु लिं शिक्षानपां नपां कासा नं हज्याड यंकय् मः धायोदिल ।

अथेहे खप नगरपालिका पाखं खप नगरपालिकाया प्रमुख प्रशासकीय अधिकृत रामलाल श्रेष्ठ जुं सुभाय् देछायो द्यूगु खःसा रेफ्रीया पाखं निरञ्जन प्रजापति व कासामि पिनिगु पाखं सुमन सुवालं कासाता अनुशासित व निष्पक्ष याडः न्ह्याकय्ता प्रतिवद्धता नपां सपथ नं याड द्यूगु खः ।

अन्तरनगर कासाया धिंधिं बल्लाया ज्याली खप नगरपालिका वडा नं. १ वडा कार्यालय हःनय् नं न्ह्याड भावांचो, वंश गोपाल, नासमना तःमाही सुकुल धवाका, गोमारी इनाचो, दतात्रय, सूर्यमढी, च्याम्हासिंह जुयो महेश्वरी बैक्वेटय् सभा स्थलय् थ्यंकः क्वचःगु खः । ज्यालीसं मूल बायनर नपां जनप्रतिनिधि पुं पूर्व जनप्रतिनिधिपु, प्लेकार्ड ज्वड ब्वतिकः वपुं नगरपालिकाया पदाधिकारी पुं व कासामिपुं प्रशिक्षक, बक्सिडया प्रशिक्षकपुं व प्रशिक्षार्थीपुं थी थी बाजाखलःत, नपां खप नगरपालिकाया कर्मचारी पुं नं सहभागिता जुयो द्यूगु खः ।

नी न्यगू नगरपालिकां ब्वति कःगु अन्तरनगर चेस या धिंधिं बल्ला १:०० ता इलय् निसैं सुरु जूगु खः ।



हेटौडा उपमहानगर चेसय न्हाप

खप नगरपालिकाया गवसालय फागुन २९ गते निसैं न्ह्याकगु अन्तरनगर चेस व खप नगरब्यापी विद्यालयस्तरीय थीथी हिगू कासाया धिं धिं बल्ला चैत्र ३ गते क्वचाल ।



ल्यू लाजू यल महानगरपालिका

उगु धिं धिं बल्लाया सिरपा लः ल्हाय्गु नपां ज्या इवः क्व चाय्केगु ज्या इवःसं नेपाल मजदुर किसान पार्टीया छ्याञ्जे नपां संघीय सांसद प्रेम सुवालजुं धिं धिं बल्लाख्य तः लापुं व ब्वतिकःपुं कासामिपिन्ता सुभाय् देछासे सिरपा त्याकय्ता जक म्हितय्गु मखुसैं ब्वनामिपिनिगु शारीरिक व मानसिक विकासया निन्ति कासा मदिक्क म्हितय् मः धायोदिल ।

ब्वनय्कुथि ब्वड च्वंगु इलय् निसैं म्हेत च्वंपुं



ल्यू या ल्यू लाजू यैं महानगरपालिका

ब्वनामिकासामिपुं मेपुं स्वयो अनुशासित व मर्यादित जुइगु खाँ ब्याकसे वयकलं सभ्य व सुसंस्कृत न्हँगु पुस्ता दय्केता सकसिनं थः थः गु थासं ग्वाहाली याय्मः धायोदिल ।

कासामिपिसं देश-विदेशया राजनीतिक अवस्थाया खाँ थुइकय् मःगु खाँ ब्याकसे सांसद सुवालजुं समाजय् ब्वस्यलाम्हा कासामिकाथं म्हासिइका पिब्वयो हज्याय्मः धायोदिल ।

ज्या इवःया सभानायो नपां खप नगरपालिकाया प्रमुख सुनिल प्रजापति जुं शिक्षा नपां कासा धाय्गु मति तयो खप नगरपालिका हज्याड च्वंगु खाँ ब्याकसे धिं धिं बल्ला कासा बांलाक क्वचाय्केता ब्वति कःपुं व ग्वाहाली याड द्यपुं सकल सिता सुभाय् देछायो दिल ।

डय्च्यागूगु स्वप पौ. बःछि पौ(पाक्षिक)

अन्तर नगर चेस धिं धिं बल्ला कासाय् देशय् दुनय्या नीन्यगू नगरपालिकां ब्वति कःगु व नगरब्यापी विद्यालय स्तरीय थी थी कासाख्य द्रष्टि च्यास व खुइगुम्हा (१८६९) कासामिपुं मनह्वय्कः ब्वति कःगु खाँ ब्याकसे वयकलं कासाया माध्यमं देया सार्वभौमिकता रक्षा याइपुं अनुशासित देशभक्त, सचेत नागरिक ब्वलानिगु आशा प्वंक दिल ।

वयकलं दायँ दायँसं दकलय् बांलाम्हा उत्कृष्ट कासामीता हानेज्या याड वयो च्वंगु खाँ ब्याकसे नगरपालिकां शिक्षाता दकलय् हःनय तयो ज्या याड वयो च्वंगु अलय् खप विश्व विद्यालय न्ह्याकय्ता सरकारय् माग याड च्वडागु खाँ ब्याकसे खप नगरपालिकां न्हय्गू शैक्षिक संस्था त न्ह्याकः वयो च्वंगु नपां नांजकया कथित बुद्धिजीवी धःपिसं अनेक पंगः व द्वपं ब्यसां, छ्वा छँ छम्हा स्नातक दय्केगु ज्या पूवांक हे त्वतगु खाँ काड दिल । इञ्जिनियरिड कलेज तस्कं बांलाक न्ह्याड च्वंगु, सम्पदा ल्ह्वनय् कानय् व दानय्गु ज्या खय् च्वछाय बहगु जनसहभागिता दःगु, विदेशी तय्कय् ध्याछ धेबा हे मकःसिं सम्पदा व विकास निर्माण हज्याड च्वंगु खाँ ब्याकसे थुकिया लागिं सकल नगरबासीपिन्ता सुभाय देछायो दिल ।

ज्या इवःसं वागमती प्रदेश सभाया सभासद सृजना सैजुं देश पुँजीवाद चिचिन्त्याड तस्कं घःपः जुयो च्वंगु इलय् पुँजीवादी धँया अखः खप नगरपालिकां नगरय् खेल महोत्सव बांलाक क्वचाय्केगुलि सुभाय देछासे थुगु धिं धिं बल्लां छगू छगू ब्वनय् कुथिता छगू बः चा हांगु (रङ्गशाला) कासा ख्यः काथं हज्याक च्वंगु बिचः प्वंक दिल ।

ज्या इवःसं सहायक प्रमुख जिल्ला अधिकारी मुकेश कुमार केशरी जुं कासामि पिसं देशया नां विदेशय् (अन्तर्राष्ट्रिय) लागाय् तक नां च्वजाय्कय् फय्मः धाय्गु शुभेच्छा प्वंक दिलसा उप-प्रमुख रजनी जोशी जुं ज्या इवः न्ह्याकय्गु इवल्य प्रशिक्षकपुं मगागु मति जूगु खाँ न्यंक दिल ।





अथेहे वडा नं. ७ या वडाध्यक्ष उकेश कवां जुं देशय् कासाया विश्वविद्यालय दय्कःगु खाँ ब्याकसे जिल्ला खेलकुद परिषद मरुसां ज्यूगु बरु राष्ट्रिय खेलकुद परिषदं प्रशिक्षकपुं स्थानीय तहखय् छवयो हयः मः धायोदिल ।



हेटौडा उप महानगरपालिकाया कासामि नपां अः याय्म्हा चेस या दकल्य् तः लाम्हा (च्याम्पियन) पुरुषोत्तम चौलागाई कोभिडया ग्यापुगु इलय् नं ख्वप नगरपालिकां मः काथंथा स्वास्थ्य सुरक्षा मापदण्ड छ्यलः प्रतियोगिता बांलाक क्वचाय्कगुलि लसता प्वंक दिल ।



डय्च्यागूगु स्वप पौ. बःछि पौ(पाक्षिक)

ज्या इवःसं मू पाहां सुवाल जुं अन्तर नगर चेस धिं धिं बल्ला कासाखय् त्याकगु नगरपालिकाया तः लापुं (च्याम्पियन) कासामिपिन्ता नगदसिरपा लः ल्हाड दिलसा विशिष्ट (अतिथि) पाहां व पाहांपिसं विद्यालय स्तरीय धिं धिं बल्ला कासाखय् तः लापुं ब्वनय्कुथि व तः लापुं कासामिपिन्ता टुफी व दसिपौ लः ल्हाडदिल ।



ज्या इवःया मू पाहां प्रेम सुवाल जुं चेस धिं धिं बल्ला कासाखय् न्हाप जूगु हेटौडा उपमहानगरपालिकाया पुचः ता छगू लाख व डय्दुतका दां, ल्यू लागू यल महानगरपालिकाया पुचः ता छगू लाख तका दां व ल्यू या ल्यू लागु यें महानगरपालिकाया पुचः ता डय्दुतका दां सिरपा नपां टुफी, पदक व दसि-पौ लल्हाड दिल ।

ज्या इवःसं प्रमुख प्रजापति जुं च्याम्पियन कासामि पुं बोर्ड १ पाखं टोखा नगरपालिकाया मिलन लामा, बोर्ड २ पाखं ख्वप नगरपालिकाया निकेन कुसाथा बोर्ड ३ पाखं दमक नगरपालिकाया प्रकाश चन्द्र नेपाल, बोर्ड ४ पाखं हेटौडा उप



महानगरपालिकाया रुपेश जयसवाल व बोर्ड ५ पाखं ख्वप नगरपालिका 'बी' पाखं केशव मानन्धर जु पिन्ता म्हातिं डाद्वतका दां सिरपा व टुफी नपां दसिपौ लः ल्हाड दिल ।

ज्या इवःसं ख्वप जिल्ला बुद्धिचाल संघ या नायो निरञ्जन प्रजापति जुं डागू तुं बोर्डय तः लापुं कासामिपुं क्वछिड द्यूगु खः ।



डय्च्यागूगु स्वप पौ, बःछि पौ(पाक्षिक)



खवप नगरपालिकाया प्रमुख प्रशासकीय अधिकृत रामलाल श्रेष्ठ जुं सुभाय् देछायो द्यूगु उगु ज्या इवःसं खवप नगरपालिका वडा नं. १ या वडाध्यक्ष नपां युवा तथा खेलकूद समितिया कजि श्याम कृष्ण खत्री जुं लसकुस न्वचु तयो द्यूगु खःसा खवप नगरपालिका वडा नं. २ या वडाध्यक्ष हरि प्रसाद बासुकला जुं नं न्वचु तयो द्यूगु खः ।

खवप नगरपालिका पाखं ग्वसः ग्वगू प्यन्हू तक्या अन्तरनगर चेत धिं धिं बल्ला कासाख्य २२ ओटा नगरपालिकां ब्वति कःगु खः ।

खवप नगरपालिकाया ग्वसःल्य जूगू अन्तर विद्यालय धिंधिं बल्ला कासाख्य त्याकगु ब्वनय कुथि व तः लापुं कासामिपुं-चेस धिं धिं बल्ला कासाख्य त्याकगु नगरपालिका या नां

नहाप : हेटौडा उपमहानगरपालिका

ल्यू : ललितपुर उपमहानगरपालिका

ल्यू या ल्यू : काठमाडौं महानगरपालिका

उत्कृष्ट कासामिपुं

मिलन लामा (टोखा नगरपालिका)

निकेन कुसाथा (भक्तपुर नगरपालिका)

प्रकाशचन्द्र नेपाल (दमक नगरपालिका)

उमशे जेश वाल (हेटौडा उपनगरपालिका)

केशव मानन्धर (भक्तपुर नगरपालिका)

भक्तपुर नगरव्यापी विद्यालयस्तरीय खेलकूद प्रतियोगिताख्य

त्याकपुं ब्वनय कुथितयगु नां

खोखो प्रतियोगिता

मिजं पुं :

नहाप : विद्या आर्जन सेकेन्डरी स्कूल

ल्यू : प्रभात इङ्गलिस सेकेन्डरी स्कूल



डय्च्यागूगु स्वप पौ, बःछि पौ(पाक्षिक)

ल्यू या ल्यू : शारदा माध्यमिक विद्यालय
 ल्यू या ल्यू : बाल विकास इङ्गलिस सेकेन्डरी स्कूल
 उत्कृष्ट कासामि : श्रेजल वैद्य
मिसात पाख्यु :
 न्हाप : वागीश्वरी माध्यमिक विद्यालय
 ल्यू : बाल विकास इङ्गलिस सेकेन्डरी स्कूल
 ल्यू या ल्यू : वाइजल्यान्ड सेकेन्डरी स्कूल
 ल्यू या ल्यू : बासु माध्यमिक विद्यालय
 उत्कृष्ट कासामि : मनिता श्रेष्ठ (वागीश्वरी माध्यमिक विद्यालय)
टेबुलटेनिस प्रतियोगिता
 न्हाप : प्रोक्सिमा इन्टरनेसनल एकेडेमी
 ल्यू : प्रभात इङ्गलिस सेकेन्डरी स्कूल
 ल्यू या ल्यू : माउन्ट भ्याली इङ्गलिस सेकेन्डरी स्कूल
 उदयमान खेलाडी
 छात्र : सोहन ग्यामरु (हिमालयन इङ्गलिस सेकेन्डरी स्कूल, वर्ष ९)
 छात्रा : उर्वी सुवाल (सामुदायिक इङ्गलिस स्कूल, वर्ष ८)
भलिबल प्रतियोगिता
 मिजं त पाख्यु :
 न्हाप : पद्म माध्यमिक विद्यालय
 ल्यू : ख्वप माध्यमिक विद्यालय
 ल्यू या ल्यू : वागीश्वरी माध्यमिक विद्यालय
 हपा : बासु माध्यमिक विद्यालय
 उत्कृष्ट कासामि : प्रदीप तोलाङ्ग (पद्म माध्यमिक विद्यालय)
मिसात पाख्यु
 न्हाप : पद्म माध्यमिक विद्यालय
 ल्यू : वागीश्वरी माध्यमिक विद्यालय
 ल्यू या ल्यू : ख्वप माध्यमिक विद्यालय
 हपा : हिमालयन ग्लोरी इङ्गलिस स्कूल
 उत्कृष्ट खेलाडी : स्मृति खड्का (पद्म माध्यमिक विद्यालय)
ब्याटमिन्टन प्रतियोगिता
 न्हाप : हिमालयन ग्लोरी इङ्गलिस स्कूल
 ल्यू : वागीश्वरी माध्यमिक विद्यालय
 ल्यू या ल्यू : गोल्डेन गेट इङ्गलिस स्कूल
 हपा : बासु माध्यमिक विद्यालय
 उत्कृष्ट खेलाडी
 छात्र : कपिल न्यौपाने (प्रभात इङ्गलिस सेकेन्डरी स्कूल)
 छात्रा : भव्यता राई (सामुदायिक इङ्गलिस स्कूल)
एथलेटिक्स प्रतियोगिता

न्हाप : गणेश माध्यमिक विद्यालय
 ल्यू : प्रभात इङ्गलिस सेकेन्डरी स्कूल
 ल्यू या ल्यू : जेसिस सेकेन्डरी स्कूल
 हपा : वागीश्वरी माध्यमिक विद्यालय
फुटसल प्रतियोगिता
 न्हाप : डेमोस इङ्गलिस स्कूल
 ल्यू : प्रभात इङ्गलिस सेकेन्डरी स्कूल
 ल्यू या ल्यू : सनसाइन नेसनल स्कूल
 हपा : रोम्बस नेसनल स्कूल
 उत्कृष्ट खेलाडी : लाक्पा तामाङ्ग (डेमोस इङ्गलिस स्कूल)
तेक्वान्डो प्रतियोगिता
 न्हाप : पारागन इङ्गलिस सेकेन्डरी स्कूल
 ल्यू : वागीश्वरी माध्यमिक विद्यालय
 ल्यू या ल्यू : रोम्बस नेसनल स्कूल
 हपा : क्रियटिभ इङ्गलिस स्कूल
 उदयमान खेलाडी :
 छात्र : समन कार्की (रोम्बस नेसनल स्कूल)
 छात्रा : सुस्मिता शाही (वागीश्वरी माध्यमिक विद्यालय)
उसु प्रतियोगिता
 न्हाप : जेसिस इङ्गलिस स्कूल
 ल्यू : जेन्युइन सेकेन्डरी स्कूल
 ल्यू या ल्यू : मेधा माध्यमिक विद्यालय
 हपा : पद्म माध्यमिक विद्यालय
 उत्कृष्ट खेलाडी :
 छात्र : धिरजकुमार मण्डल (पद्म माध्यमिक विद्यालय)
 छात्रा : अदिति वीरबल (जेसिस इङ्गलिस स्कूल)
कराते प्रतियोगिता
 न्हाप : वागीश्वरी माध्यमिक विद्यालय
 ल्यू : माउन्ट भ्याली सेकेन्डरी स्कूल
 ल्यू या ल्यू : जेन्युइन सेकेन्डरी स्कूल
 उत्कृष्ट खेलाडी :
 छात्र : जेम्स लामा (डेमोस इङ्गलिस स्कूल)
 छात्रा : यजु बजिको (माउन्ट भ्याली इङ्गलिस स्कूल)
कबड्डी प्रतियोगिता
 छात्रतर्फ :
 न्हाप : मिनर्वा इङ्गलिस स्कूल
 ल्यू : जेन्युइन सेकेन्डरी स्कूल
 ल्यू या ल्यू : वागीश्वरी माध्यमिक विद्यालय



डय्च्यागूगु स्वप पौ, बःधि पौ(पाक्षिक)

ल्यू या ल्यू : ख्वप्रिङ्ग सेकेन्डरी स्कूल
बेस्ट रेडर : कविन तामाङ्ग (मिनर्वा इङ्गलिस स्कूल)
बेस्ट क्याचर : सरमन प्रजापति (मिनर्वा इङ्गलिस स्कूल)
छात्रातर्फ :

न्हाप : साइनिङ्ग स्टुडेन्ट एकेडेमी
ल्यू : पारागन इङ्गलिस सेकेन्डरी स्कूल
ल्यू या ल्यू : बासु माध्यमिक विद्यालय
ल्यू या ल्यू : वागीश्वरी माध्यमिक विद्यालय
बेस्ट रेडर : मनिषा ग्वाछा (साइनिङ्ग स्टुडेन्ट एकेडेमी)
बेस्ट क्याचर : सुमिता धिमाल (साइनिङ्ग स्टुडेन्ट एकेडेमी)

स्वप नगरब्यागु विद्यालय स्तरीय कासाया धिं धिं बल्ला

ख्वप नगरपालिकाया ग्वसालय् फागुन २९ गते निसैं ३ गते तक १ वडा निसैं हिगू वडाया जिम्माखय् थी थी कासाया धिं धिं बल्ला जुल ।

ख्वप नगरपालिका वडा नं. १ या ग्वसालय् सहिद स्मृति खेल मैदानय् मिसातय्गु व मिजं तय्गु भलिबलया धिं धिं बल्ला जूगु खः ।

अथेहे वडा नं. २ या ग्वसालय् बासु मा.वि सं ख्यें बल (

(टेबुल देनिस) कासा जूगु खः । वडा नं. ३ या ग्वसालय् पद्म मा.वि सं उसु धिं धिं बल्ला जूगु खः सा वडा नं. ४ या ग्वसालय् कालाँचा मार्ग भिसिं ख्यलय् च्वंगु रब्टिक ड्राइभिड सेन्टरे कबड्डीया धिं धिं बल्ला जूगु खः । उगु कबड्डी धिं धिं बल्ला मिसा मस्त व मिजं मस्तय्गु छुट्टा छुट्टै जूगु खः ।

अथेहे ५ वडा या ग्वसालय् विद्यार्थी निकेतनय् तेक्वाण्डो कासा जूगु खः सा ६ वडाय् ग्वसालय् कराँते या धिं धिं बल्ला जूगु खः । वडा नं. ७ या ग्वसालय् एथ्लेटिक्स कासा महेश्वरी खेल मैदानय् जूगु खः सा ८ नं वडाया ग्वसालय् ख्वप इञ्जिनियरिङ्ग कलेजे बाय्डमिन्टन या धिं धिं बल्ला जूगु खः । ९ नं वडाया ग्वसालय् फुटसलया धिं धिं बल्ला सटर्स फुटसल राम मन्दिरय् जुगु खः सा १० वडाया ग्वसालय् मिसामस्तय्गु व मिजं मचा तय्गु खो खो सरस्वती विद्याग्रह्या ग्राउण्ड लामगालय् जूगु खः ।

उगु कासाय् तः लापुं व उत्कृष्ट कासामिपिन्ता मेडल दसिपौ कासा जूथाय् हे ब्यूगु खः सा त्यागु पुचः (ब्वनय्कुथि) ता समापन ज्या इवः खय् सिरपा ट्रफी व दसी पौ मू पाहां व पाहां पिसं लः ल्हाड द्यूगु खः ।





डय्च्यागूगु स्वप पौ. बःछि पौ(पाक्षिक)

चितवनय् प्रशिक्षण ज्या इवः

नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति या मू पाहॉल्य नेमकिपा चितवन जिल्ला समितिया ग्वसालय जिल्ला कार्यकर्ता भेला याड प्रशिक्षण ज्या इवः चैत्र ७ गते रत्ननगरय् जुल ।

ज्या इवःसं केन्द्रीय दुजः प्रजापति जुं पुँजीवादी प्रजातन्त्र्य संसद विघटन याय्गु अधिकार प्रधानमन्त्रीता दैगु खाँ ब्याकसे राजनीति गुबलें अः पुक न्ह्याइमखु धायोदिल ।

वयकलं सशस्त्र संघर्ष राज्यसत्ता कब्जा यागु इतिहासया खाँ कांसे प्रजातान्त्रिक समाजवाद धाय्गु नं पुँजीवादी व्यवस्था खः धायोदिल । नपां पुँजीपतिवर्गया भिं जुइगु ज्या याइगु राज्यया उद्योग कल-कारखाना-निजीकरण याइपुं कम्युनिष्ट जुय मफैगु धायोदिसे नेपःता जलाखाला दे भारतं आर्थिक रुपं उपनिवेश याड च्वंगु दः धायोदिल ।

नेपःया शासन सत्ताय् वानिपुं नेतात विदेशी दलाल सावित जुजुं वाड च्वंगु खाँ काड दिसे वयकलं नेपःया राजनीति विदेश केन्द्रीत जूगुलि शासकतहे दोषी खः धायोदिल ।

वयकलं नेमकिपां केपी ओलीया देशघाटी ज्याख्य समर्थन यागु मखु, नेपःया सार्वभौमिकता रक्षा याय्गु सवालज् जक समर्थन यागु खः धायोदिसे नेमकिपा ब्यापक जनताया राजनीतिक स्तर थाकाय्गु अभियानय् जुयो च्वंगु खाँ ब्याक दिल । नपां वयकलं चुनावखाड ग्यापुं प्रजातन्त्रवादी जुय मफैगु, सशस्त्र संघर्षजक समाजवाद वइगु खाँ ब्याकसे वयकलं राजनीतिक स्पष्टता व शत्रुता अःपुक



चुनावय् त्याकय् मबियता नेमकिपां चुनावता छ्यःगू खः धायोदिल । नेमकिपा चितवन जिल्ला समितिया नायो हरिप्रसाद दुवाल पार्टीया पिथनात मदिकक त्वः मफिइकसिं ब्वनय्मःगु व सैद्धान्तिक छलफलया माध्यमं संगठन विस्तार याय्ता हचिलः ज्या सानय् फय्मः धायोदिल ।

ज्या इवःसं श्यामकृष्ण खत्री, नेक्राविसंघया केन्द्रीय न्वकु प्रकाश गुरुङ, नेक्रायुसंघ चितवनया जिल्लाया नायो ज्ञानेन्द्र चेपाङ, नेमकिपा चितवन जिल्ला समितिया दुजः सुमित्रा महतो, नेक्राकिसंघ चितवनया दुजः मोहन बहादुर चेपाङ, नेमकिपा चितवनया न्वकु राजकुमार श्रेष्ठ व नेक्राविसंघ चितवन जिल्लाया छ्याञ्जे अर्जुन चेपाङ पिसं नं थः थः गु न्वचु तयो द्यगू खः ।

थुकिया दश्वी नेमकिपाया केन्द्रीय दुजः सुनिल प्रजापति या मू पाहॉल्य रत्न नगरय् विद्यार्थी भेला जुल । उगु भेलां अर्जुन चेपाङ या कजिलय गुम्हासिया ने.क्रा. वि.संघ डाकगू जिल्ला सम्मेलन तयारी समिति चितवन निस्वान ।

ख्वप विश्व विद्यालय चाय्केता कुतः याड च्वनय्

नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं कम्युनिष्टत सिद्धान्त व विचःया लिधंसाय हज्याइगु नपां कम्युनिष्ट तय्सं बिचः याय् खाय् दुनय् हे (अन्तर संघर्ष) ल्वाइगु स्वाभाविक जूगु खाँ काडः दिल ।

चैत्र ८ गते, चितवनय् च्वंगु सिनर्जी एफ एमया (प्रस्तोता) ज्या इवः न्ह्याकामि विवेक पोखरेल नपां 'सिनर्जी विशेष' ज्या इवःसं न्वचु तयो दिसे नगर प्रमुख प्रजापतिजुं राजनीति थःगु भिं याय्गु ब्यक्तिगत स्वार्थया निंतिं मखुसैं अपलं जनताया सेवाया



निंतिं जुयमःगु खाँ ब्याक दिल ।

वयकलं शासक दलतय् दश्वीया ल्वापुं अपुं नक्कली कम्युनिष्ट खः धाय्गु चरित्र भन भन जनतां स्पष्ट रुपं थुइकगु खाँ ब्याकसे थव सरकार कम्युनिष्ट व्यवस्था काथं हज्याय मफगु नपां निजीकरणया पालिङ ज्या साड च्वंगु शिक्षाया लाग्ना नं ब्यापारीकरण याड च्वंगु ज्याखं कम्युनिष्ट सरकार मखु धाय्गु खाँ स्पष्ट जू धायो दिल ।

हयोंगु नं फिइपुं फुकक कम्युनिष्ट जुइमखु धायोदिसे वयकलं कोरोना भ्वल्वय मपुंकः मडांक पाड तय्गुली ख्वप नगरपालिकां जनता नपां च्वडः चां न्हिं मधःसिं सेवा याडः खटय् जूगु अनुभव काड दिसे ख्वप नगरपालिका पाखं न्ह्याक च्वंगु कलेजत फुककं थः हे विश्वविद्यालयया तहखय् थ्यनय् धुंकगु नपां ख्वप विश्वविद्यालय चाय्केता मदिकक कुतः याड च्वंगु खाँ ब्याक दिल ।

वयकलं श्रमता शिक्षा नपां स्वाय्गु नीति काथं ख्वप विश्व विद्यालय चाय्केगु (उद्देश्य) मतिं नेमकिपां तयो तःगु खाँ ब्याकसैं तः तः खागु भवन व बांलागु पिचुगु लॉ दय्वं जक विकास जूगु दक दाय्गु दापु मखु धायो दिल ।



डय्च्यागूगु स्वप पौ. बःछि पौ(पाक्षिक)

प्रमुख प्रजापति हेटौडा उपमहानगरपालिका प्रमुख महत नपां

खवप नगरपालिकाया नगर प्रमुख सुनिल प्रजापति व हेटौडा उप-महानगरपालिकाया प्रमुख हरिबहादुर महत जु हेटौडाया उपमहानगरपालिकाय् नपालाड दिल ।



नपालाय्गु इवल्य नगरप्रमुख प्रजापति जुं थी थी स्थानीय तहत नपां अनुभव न्यनय् कानय् याय्गु मतिं हेटौडा उपमहानगरपालिकाय् न वयागु खाँ ब्याकसे खवप नगरपालिकां शिक्षा, स्वास्थ्य सम्पदा पुनः निर्माण नपां थी थी लागाय् याडः वयो च्वंगु ज्या इवः त काड दिल ।

वयकलं जनताया स्वास्थ्यता हदाय् तयो खवप नगरपालिकां

खवप अस्पताल दय्क च्वंगु नपां खवप नगरय् सम्पदा ल्हवनय् कानय् व दानय्गु ज्या खय् उपभोक्ता समिति पाखं जनताया सहभागितां ज्या हज्याक च्वंगु खाँ ब्याक दिल ।

हेटौडा उपमहानगरपालिकाया प्रमुख महत जुं हेटौडा देशयाय् हे स्वंगूगु तः हांगु औद्योगिक नगर खः धायोदिसे हेटौडा उप महानगरपालिका तस्कं तः ब्यागु, अपलं थाय् कःघाड च्वंगु, तः क्वगु नपां पहाडै पहाडं धेरयाड तःगु खाँ काड दिल । खवप नगरपालिका फुक्क लागाय् हःनय् लाड च्वंगु दः धायो दिसे वयकलं खवप नगरपालिकां सुशासन व विकास निर्माणया ज्या खं थमनं नं सय्केगु इच्छा दःगु खाँ ब्याक दिल ।

१९ गू वडाखय् ब्वथल तःगु थुगु उपमहानगरपालिका देशया थी थी थासं वयो च्वड च्वंपु नागरिकत दःगु खाँ ब्याकसे उप-महानगरपालिकां सूचनाया प्रविधिया लिधंसाय् थःगु सेवा त बियो वयो च्वंगु व सुशासनया लागाय् नं अपलं उपलब्धी याड च्वंगु खाँ ब्याक दिल ।

नपालाय्गु इवल्य नगर प्रमुख प्रजापति जुं खवप नगरपालिका पाखं पिथाड च्वंगु थी थी पिथना त व सम्पदाया किपा मुना साफू मतिनाया चिं काथं लः ल्हाड दिल । उगु नपालाय्गु इवल्य खवप नगरपालिका वडा नं. १ या वडाध्यक्ष श्याम कृष्ण खत्री, कार्यपालिकाया दुजः सुनिता अवाल नं भःगु खः ।

हेटौडाय् कार्यकर्ता नपालाय्गु ज्या इवः

नेपाल मजदुर किसान पार्टीया केन्द्रीय दुजः सुनिल प्रजापति जुं चैत्र ८ गते हेटौडाया कार्यकर्तात नपालाड दिसे वयकलं संसद पुनः स्थापनाया हुनि सरकार न्ह्याकय्ता तस्कं काथं मछिगु ई ब्वड च्वंगु खाँ काड दिसे अः याय्म्हा सरकारं पुनः निर्वाचन याकिगु सम्भावना अपलं दःगु खाँ काड दिल । निर्वाचन धाय्गु जनताया राजनैतिक स्तर गुलि थाहाँ वलादक सिङ्कय्गु दापु (ब्यारोमिटर) जूगुलिं नेमकिपा निर्वाचनया पालिड च्वंगु व नेमकिपा धिकलं चिच्याधिकः वा चिच्याहांगु पार्टी जुसां विचः व सिद्धान्तखय् दूढ व प्रतिवद्धगु पार्टी खः धायोदिल ।

वयकलं पुँजीवादी व्यवस्थां ज्या साड नैपुं ज्यापु ज्यामि जनताया भिं मयायगुलिं समाजवादी व्यवस्था निस्वानय्ता नेमकिपा मदिकक ल्वाडः वयो च्वंगु नपां खवप नगरपालिकां न्ह्याकच्वंगु शैक्षिक संस्थां दक्ष व इमान्दार जनशक्ति ब्वलांक च्वंगु खाँ काड दिल ।

सक्षमगु स्थानीय तहता विश्व विद्यालय चाय्कय्

बियमःगुलि बः बियो दिसे केन्द्रीय दुजः प्रजापति जुं कार्यकर्तापिसं पार्टीया पिथनात मदिकक ब्वनय् मःगु व ज्या साड नैपुं ज्यापु ज्यामि जनताता राजनैतिक रुपं (सचेत व संगठित) खाँ थुइकय् बियो छप्पा छधि याड क्रियाशिल याय्मः धायो दिल ।





डय्च्यागूगु स्वप पौ. बःछि पौ(पाक्षिक)

वागमती प्रदेशया मुख्य सचिव डा. बीके नपां प्रमुख प्रजापति जु



नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं वागमती प्रदेशया मुख्य मन्त्री नपां मन्त्री परिषदया कार्यालयया मुख्य सचिव डा. मानबहादुर बीके जु नपां नेपालाडः अः वैगु आर्थिक वर्षया बजेटय् समावेश यायमःगु ख्वप नगरपालिकाया योजनाया बारे छलफल याडः दिल । नपां ख्वप नगरपालिकां सम्पदा ल्हवनय् कानय् व दानय्गु ज्यात उपभोक्ता समिति पाखं याक वयो च्वंगु अभ्यास व दय्कच्वंगु ख्वप अस्पतालया बारे नं वयकपिनि दथ्वी चैत्र ८ गते खँल्हाबल्हा जूगु खः ।

पर्साय् समसामयिक राजनीतिक विषय भेला

नेपाल मजदुर किसान पार्टीया केन्द्रीय दुजः सुनिल प्रजापति जुं नेमकिपां ज्या साडः नैपुं ज्यापु-ज्यामि वर्गता राजनैतिक रुपं सचेत याडः छप्पा छधि याडः वयकपिन्ता शासन सत्ताख्य थ्यंकय्गु उद्देश्य ज्वडः हज्याडः च्वंगु बिचः चैत्र ९ गते प्वंकः दिल ।

नेपःया समसामयिक विषयसं पर्सा जिल्लाया पोखरिया धःगु थासय् जूगु भेलाख्य न्वचु तयो दिसे वयकलं शिक्षा काय्गु फुक्क नागरिक पिनिगु नैसर्गिक अधिकार खः उकिं शिक्षा, स्वास्थ्य नपांया लागाय् ख्वप नगरपालिकां समाजवादी पहः (मोडेल) काथं ज्या साडः च्वंगु खँ ब्याक दिल ।

प्रमुख प्रजापतिजुं ख्वप नगरपालिका पाखं न्ह्याक च्वंगु कलेजं दांकः भिंकः व बांलाक गुणस्तरीय शिक्षा बियो वयो च्वंगु नपां समाजता वैज्ञानिक ढंगं हज्याय्ता क्रियाशील जुयो च्वंगु खँ कांसं नेपः दे कृषि प्रधान व जलस्रोतया तःमिगु दे जुया नं व्यवस्थित सिंचाइ याय् मफःगुलिं कृषि लागाय् बांलागु विकास याय मफूगु खँ खय् कुखिडः दिल ।

भ्नीगु नेपः देशय् हे देसी सः या कारखाना चाय् के मःगुलि बः बियो दिसे वयकलं नेपःया कृषिखय् विदेशी लगानी दुथ्याकय् ब्यूगु सरकारया नीति, किसानविरोधी नीति खः धायो दिसे बूँ याय् ज्यूगु खेती योग्य जमिन, खनिज पदार्थ व प्राकृतिक स्रोत साधनया संरक्षण याडः बांलाक भिंनु खःगु थासय् छ्यल्य मःगु खँ नं ब्याक दिल ।

देश विकासया जिम्मा विदेशीया भरय् त्वः तल धःसा नेपः देता भारतया उपनिवेश सरह दय्के थें जुइ धायो द्यूसे नेता प्रजापति जुं थःगु हक अधिकारया सुनिश्चितताया लागिं ज्या साडः नैपुं कामदार वर्ग सचेत जुयो छप्पा छधि जुयो हज्याय्मःगु खँ

काडः दिल वयकलं राजनैतिक रुपं सचेत नागरिक पिसं छु नं लोभय तः मक्यंसी देश व जनताया इमान्दारी पूर्वक सेवा याइ जक धायो दिल । ख्वप नगरपालिका वडा नं. १ या वडाध्यक्ष श्यामकृष्ण खत्री जुं समाजवादी गणतन्त्रया प्रचार अभियान पाखं ल्यासे ल्याम्होपुं ब्वनामिपिन्ता संगठित यायां नेमकिपां देया थी थी जिल्लाय् भेला व छलफल याडः वयो च्वंगु खँ ब्याकसे नेमकिपा पाखं त्याक वापुं जनप्रतिनिधिपुं जनताया सेवाखय् न्ह्याब्लें समर्पित जुयो ज्या साडः वयो च्वंगु नपां नेमकिपां समाजवादी व्यवस्था निस्वानय्ता मदिकक ज्या साडः च्वंगु खँ ब्याक दिल ।



भेलासं नेमकिपा पर्सा जिल्ला समितिया नायो सरोज शाहजुं ज्या साडः नैपुं ज्यापु ज्यामि वर्गया प्रजातन्त्र धाय्गु हे समाजवादी गणतन्त्र खः धायोदिसे राजनीतिक चेतनाया कारणं देश व समाज हज्याय्ता ग्वाहाली जुइगु खँ काडःदिल ।

उगु भेलाय् नेमकिपा पर्सा जिल्ला समितिया दुजः इस्लाम मियाँ जुं नं थःगु नुगः खँ प्वंकः द्यूगु खः ।



डय्च्यागूगु स्वप पौ, बःछि पौ(पाक्षिक)

विरगञ्जया मेयर नपां ख्वपया मेयर नपालाड दिल

ख्वप नगरपालिकाया प्रमुख सुनिल प्रजापति जुं सोमबार विरगञ्ज महानगरपालिकाया प्रमुख विजयकुमार सरावगी नपालाड दिल । चैत्र ९ गते नपालागु इवल्य नेगु नगरपालिकाया अनुभव काड दिल ।

नपालागु इवल्य प्रमुख प्रजापति जुं सांस्कृतिक नगर ख्वपया थी थी लागाया खाँ ब्याकसें ऐतिहासिक नपां सांस्कृतिक नगर ख्वपय च्वंगु औद्योगिक क्षेत्र स्वनिगः पिनय ल्हय् मःगु लिं उगू औद्योगिक क्षेत्र चिइकेगु लि कुत जुयो च्वंगु खाँ ब्याक दिल ।

वयकलं नगरपालिकां न्ह्याक च्वंगु कलेज. दक्ष जनशक्ति ब्वलांक च्वंगु नपां ख्वप नगरपालिकां कोरोना भ्वल्वय मपुंकः तय्ता नेपःया सरकारया मापदण्ड काथं सुविधा सम्पन्न ब्यवस्थित आइसोलेसन चाय्कागु खाँ ब्याक दिल ।

वीरगञ्ज महानगरपालिकाया ख्वप नगरपालिकाया पुचः ता लसकुस यासे वीरगञ्ज महानगरपालिकाया प्रमुख सरावगीजुं फोहर ब्यवस्थापन याय्ता महानपाता तस्कं थाकुयो च्वंगु खाँ ब्याकसे महानपां ध्वागिइगु फोहर मुडः लच्छीया खुगू लाख आम्दानी याड च्वंगु खाँ ब्याक दिल । वयकलं कोभिड संक्रमणया जोखिम अः नं उलि हे दयो च्वंगुलिं स्वनिगल्य द्रहं वइगु लाँपुड कडायाय्मःगु सल्लाह बियो दिल ।



‘वीरगञ्ज महानपाय् ५७ प्रतिशत नागरिक स्थानीय व ४३ प्रतिशत नागरिक पिनयं नं च्वं वपुं दःगुलिं नागरिकपिन्ता सेवा बियता थी थी काथंया चुनौती दःगु खाँ ब्याक दिल ।

प्रमुख सरावगीजुं वीरगञ्जय् कृषि इञ्जिनियरिड चाय्केगु मति दःगु अथेन. स्वीकृत काय् मफ्गुलिं समस्या जुयो च्वंगु दः धायो दिल ।

वहे इवल्य प्रमुख प्रजापतिजुं ख्वप नगरपालिकाया पिथनात, सम्पदा ल्ह्वनय्-कानय् व दानय्गु ज्या सिधःगु किपा मूना साफू उपहार काथं लः ल्हाड दिल ।

ख्वप नगरपालिकाया प्रमुख कलैया उप-महानगरपालिकाय्

ख्वप नगरपालिका प्रमुख सुनिल प्रजापति जु चैत्र १० गते बारा जिल्लाया कलैया उप-महानगरपालिकाय् भायो नगर प्रमुख राजेश यादव नपालाड दिल । नपालागु इवल्य वय्कपिनि दशवी नगरपालिकां शिक्षा स्वास्थ्य, विकास निर्माण, कृषि लगायतया लागाय् याड च्वडागु ज्याइवः व प्रगतिया अनुभवत कालबिल याड दिल ।



नपालागु इवल्य नगरप्रमुख प्रजापति जुं ख्वप नगरपालिकां थः गु स्वामित्वखय् न्ह्याक च्वंगु कलेजया अनुभव काड दिसे उगु कलेजं ख्वपया शैक्षिक विकासय् ह्यूपा हःगु खाँ ब्याक दिल ।

वयकलं नगरपालिकां छँ छँ नर्सिड सेवा आवास योजना सञ्चालन, उपभोक्ता समिति पाखं ज्या जुयो च्वंगु विकास निर्माण या ज्या खाँ काड दिसे थी थी स्थानीय तहया जनप्रतिनिधिपुं नपालाड अनुभव कालबिल याय्गु इवल्य कलैया वयागु खाँ ब्याकसे वयकलं कलैयाय् कृषि व औद्योगिक क्षेत्र विकासया सम्भावना अपलं दःगु खाँ काड दिल ।

ख्वप नगरपालिकाया प्रतिनिधि मण्डलता लसकुस यासे कलैया उप-महानगरपालिकाया प्रमुख यादव जुं जनताया सहभागिता व ग्वाहाली मदयकं विकास निर्माण सम्भव मरुगु खाँ ब्याकसे न्ह्यागुनं थाय्था विकासया ज्याखय् जनताया चेतनास्तर महत्वपूर्ण जुइगु खाँ ब्याक दिल ।

प्रमुख यादव जुं कलैयाया अपलं शैक्षिक संस्थात दयनीय स्थिति थ्यनय् धुंकगुलिं थानाया शैक्षिक विकास याय्ता थाकुयो च्वंगु खाँ ब्याकसे कलैया महानगरपालिकां दाच्छीया १५ करोड तका दां बराबरया थःगु आयस्रोत दुकायो च्वंगु खाँ ब्याक दिल ।

वहे इवल्य ख्वप नगरपालिकाया प्रमुख सुनिल प्रजापति जुं कलैया उप-महानगरपालिकाया प्रमुख यादव जूयाता ख्वप नगरपालिकाया पिथनात व सम्पदाया ‘किपा मुना साफू’ मतिनाया चिं काथं लः ल्हाड दिल ।



डय्च्यागूगु स्वप पौ. बःछि पौ(पाक्षिक)

कलैयाय् कार्यकर्ता प्रशिक्षण

नेपाल मजदुर किसान पार्टीया केन्द्रीय दुजः नपां खवप नगरपालिकाया प्रमुख सुनिल प्रजापति जु या मु पाहाँल्य बारा जिल्लाया कलैयाय् चैत्र १० गते कार्यकर्तात मुंकः प्रशिक्षण ज्या इवः न्ह्याकः दिल ।



ज्या इवः सं प्रजापति जुं देशता थःगु तुतिखय् दानय् फय्केगु खःसा थः कय् दःगु स्रोत साधन अपलं अपः छ्यलःय मः धायो दिसे नेमकिपां फुक्क समाजता हे सभ्य व सुसंस्कृत दय्केगु मतिं ज्या साड नैपुं ज्यापु-ज्यामि वर्गया 'स्वर्ग' खः धायोदिसे वयकलं थःता कम्युनिष्ट पार्टी दाबी याड च्वंम्हा सरकारं समाजवादी देशत क्युबा, प्रजग कोरिया, चीन लगायतया देशया शासन ब्यवस्थां

सय्कः सिङ्कः थुइकय् मः धायो दिल ।

खवप नगरपालिकां देश व जनताता हःनय तयो थी थी ज्या इवः त याड वयो च्वंगु खाँ नं ब्याक दिल ।

समाजय् हयूपा हयूता ज्या साड नैपुं ज्यापु-ज्यामि वर्गता राजनैतिक रुपं सचेत याय्मःगुलि बः ब्यूसे वयकलं नक्कली कम्युनिष्टपाखं जनता सचेत जुयमः धायोदिल ।

खवप नगरपालिका वडा नं. १ या वडाध्यक्ष श्यामकृष्ण खत्री जुं कामदार वर्गया पक्षय् ऐन कानुन दय्केता जनता थः हे सचेत व सडगठित जुयमःगुलि बः बियो दिसे खवप नगरपालिकां कृषि लक्षित तालिम न्ह्याक च्वंगु व मिसा तय्गु लागिं निः शुल्क स्वास्थ्य शिविरत नं न्ह्याक वयो च्वंगु खाँ ब्याक दिल ।

नेमकिपा पसां जिल्ला समितिया नायो सरोज शाहजुं आर्थिक समानताया लागिं वैज्ञानिक समाजवाद मदय्कः मगागु खाँ ब्याकसे नेमकिपां निस्वांगु इलय् निसें ज्या साड नैपुं ज्यापु ज्यामिया पक्ष सः थवय्क वयो च्वंगु खाँ ब्याक दिल ।

ज्या इवःया सभापति नपां नेमकिपा बारा जिल्ला समितिया नायो मुक्ति यादवं अः याय्म्हा सरकारं थःगु पार्टीया नां कम्युनिष्ट तयो जनताता भांग लायगु ज्या साड च्वंगु खाँ ब्याकसे पुँजीपति वर्ग जनताता भिं मयाइगु खाँ काड दिल ।

उगु ज्या इवःसं नेमकिपा बारा जिल्ला समितिया दुजः रञ्जुदेवी शाह व इनर दास. नं थःथःगु बिचः प्वंकः दिल ।

जनता राजनैतिक रुपं संगठित जुयमः

नेपाल मजदुर किसान पार्टीया केन्द्रीय दुजः नपां खवप नगरपालिकाया प्रमुख सुनिल प्रजापति जुं नेकपाया ल्वापुं राजनीतिक संकट वगु खाँ ब्याकसे नेमकिपा जनताया राजनीतिक चेतना स्तर थाकाय्ता निर्वाचनया पक्षय् हालः वयो च्वंगु खाँ ब्याक दिल ।

चैत्र ९ गते बहनिथाय् वीरगञ्जया 'रेडियो वीरगञ्ज'या 'फरक कोण' या ज्या इवः न्ह्याकामि उज्ज्वल शर्मा नपां जूगु खँल्हाबल्हा ज्या इवःसं न्वचु तयो दिसे निर्वाचनया इलय् छुं भाति लोभय् लाड बदनाम मनू तय्ता त्याकगुलिं वगु राजनैतिक अस्थिरताया दोषी जनता नं खः धायोदिसे न्ह्याथिन्योगु काथं मछिंगु इलय् नं जनता निराश मजुसे राजनैतिक सचेतनां जाय्क छप्पा छधि जुयो हज्याय्मः धायोदिल ।

चुनावया इलय् उम्मेदवार ल्यय्बल्य् जनतां विवेकपूर्ण निर्णय यासे ब्यापक जनताया भिं याइगु राजनीतिक दलता भोट बियो त्याकय् मः धायोदिसे संसदं पुँजीपति वर्ग यागु अवैधानिक ज्यायाता वैधानिक याय्गु थाय् काथं विकास जुयो वगुलिं देश हे

खतराय् लाड च्वंगु खाँ खय् सचेत याड दिल ।

वयकलं नेमकिपा निस्वांसां निसें चुनावता छ्यलः ज्या साड नैपुं ज्यापु ज्यामि वर्गया पक्षय् कानुन दय्केता सडकनिसें सदनय्त्तक सः थवय्क वयो च्वंगु खाँ ब्याकसे नेपः देशय् अपलं गरिब जनतात थःगु मौलिक व नैसर्गिक हक अधिकारं बञ्चित जुयो च्वंगु व कृषि प्रधान देशय् किसान तय्गु भिं जुइगु छुं नं ज्या जुय मफगु विडम्बनाया खाँ खः धायो दिल ।

हलिमयया थी थी देशय् सशस्त्र संघर्ष दय्कगु, शासन सत्तात सफल व दिगो जुयो च्वंगु उदाहरण बियो दिसे वयकलं अपलं स्रोत व सम्भावना दयो च्वंगु देशय् थजगु दर्दनाक स्थिति हयगुलि शासक दल हे जिम्मेवार खः धायोदिल ।

खवप देता शैक्षिक हबया काथं विकास याय्गु लक्ष्य काथं खवप नगरपालिकां हज्याड च्वंगु म्हवजक आम्दानी दःपुं नागरिकपिन्ता नं उच्च शिक्षा काय् फ़ैगु काथं शैक्षिक ऋण बियागु खाँ ब्याक दिल ।



डय्च्यागूगु स्वप पौ. बःछि पौ(पाक्षिक)

प्रा.माणिकलाल श्रेष्ठ जूयाता बिचः हाय्का

प्राध्यापक माणिकलाल श्रेष्ठ मङ्गलबार मन्त । ता ई निसैं मिर्गौलाया ल्वचं कयो पीडित जुयो च्वंम्हा श्रेष्ठ जु ८९ दँ या वैसय् उपचारयाय्गु इवल्य सहिद गङ्गालाल हृदयरोग केन्द्रय् प्राण त्वःत दिल । वाम बुद्धिजीवीकाथं थःगु म्हासिइका पिब्वयो भःम्हा वयक थी थी सामाजिक व राजनीतिक आन्दोलनय् तस्कं सक्रिय जुयो द्यूम्हा खः ।



वि.स. १९८९ असोज २७ गते यें या थें हिति त्वाल्य मां लक्ष्मी कुमारी व ब्वा सुब्बा हिरालाल श्रेष्ठया माहिलाम्हा काय् जुयो ब्रूम्हा माणिकलाल श्रेष्ठ प्यदा दः बल्य हे सहिद चिनियाँलाल सिंह व वयकया दाजु फतेबहादुर सिंह पिसं चाय्कः तःगु ऐतिहासिक ब्वनय्कुथि महावीर इन्स्टिच्यूटय् भर्ना जूयो औपचारिक शिक्षा कायोदिल । उगु इलय् क्रान्तिकारीपुं सहिद गंगालाल श्रेष्ठ, सहिद चिनियाँलाल सिंह, कवि सिद्धिचरण श्रेष्ठ, पूर्ण बहादुर मानव, टङ्कविलास बज्राचार्य आदि गुरु पिनिपाखं वयकलं शिक्षा कायो दिल । राणा प्रधानमन्त्री पद्म शम्शेरया पालाय् वयकलं एस.एल.सी. पास याड दिल । अलय् वयक त्रिचन्द्र कलेजय् ब्वड दिलसा पब्लिक स्कूल व माधव प्रसाद राजभण्डारी प्रधानाध्यापक जूगु स्कूल नेपाल आदर्श विद्यालय शिक्षक जुयो दिल ।

त्रिचन्द्र कलेजं बि एस्सी पास याय् धुनय वं वयकलं छँ

सं च्वड आई ए व बी.ए. नं पास याड दिल । वयकलं अंग्रेजी भाय् व कानुनयाय् नं उच्च अध्ययन याड दिल ।

वामपन्थी आन्दोलनता दुग्यंगु मिखालं स्वयो अध्ययन याड द्यूम्हा वयक मार्क्सवादया दुग्यंगु ज्ञानदःम्हा ब्यक्ति नं खः । थःगु विषय बाहेकं तस्कं अप्व तीक्ष्ण स्मरण शक्तिया तःमिम्हा श्रेष्ठ कय् नेपःनपां विश्व इतिहासया तिथिमिति नपां छतिं हे मपाक यकिन याड धाय् फःगु क्षमता दः । मार्क्सवाद -लेनिनवाद व थी थी देया क्रान्तिकारीपिनिगु गहन अध्ययन याड द्यूम्हा श्रेष्ठ जुं इतिहास याय् नं (गहिरो) दुग्यंगु अध्ययन याड द्यूगु दः ।

वि.सं. २०१४ सालय् यें नगरपालिका वडा नं. ९ (अः वडा नं. १७) ठँहिटीया वडाध्यक्ष निर्वाचित जुयो द्यूम्हा श्रेष्ठ जुं मां भाय् भिंक, बांलाकः, ल्यंकः, म्वाक तय्ता मूख्य भूमिका ज्वड ज्या साड द्यूम्हा खः । वयकया न्हयलुवाय् यें महानगर दुनय्या स्थानीय तहलय् मांभाय्या शिक्षा ब्वंकय्गु याड द्यूगु खः । वामपन्थी आन्दोलनय् जूगुलिं तःक हे जेलय्, हिरासतय् नपां च्वनय् मःम्हा वयक तस्कं मग्यासीं हः कायो ज्या याइम्हा निर्भिक, बौद्धिक ब्यक्तित्व काथं म्हासिइक वयो च्वंगु दः ।

त्रिचन्द्र कलेजय् ब्वंक च्वंगु इलय् कम्युनिष्ट जूगुलिं पुलिसं ज्वड यंकः कुंसेलिं वयकया जागिरं नं लिकायो छ्वत । त्रिभुवन विश्व विद्यालय पाटन संयुक्त क्याम्पसया नेपाल भाषा केन्द्रीय विभागय् पाश्चात्य समालोचना ब्वंकदीम्हा श्रेष्ठ जु विज्ञान, कानुन, इतिहास व मातृभाषाया अभियन्ता काथं म्हासिइकः च्वंगु दः ।

अपलं अपः अथे धाय्गु सलंसः मयाक विचारोत्तेजक च्वसु (लेख/अभिलेख) त च्वयो द्यूम्हा श्रेष्ठ जूया 'पाश्चात्य समालोचनाया सिद्धान्त' नां या साफू मानव समाजया विकास बारे मार्क्सवादी दृष्टिकोण, जापानी बाखंया भाय हिला साफूत पिकायो तःगु दः । माणिकलाल श्रेष्ठ जूया जाहान सुशिला सिंह 'शिलु' सर्वोच्च अदालतया न्हापांम्हा मिसा न्यायाधिस नेपःया न्हापांम्हा मिसाम्हा वरिष्ठ अधिवक्ता खः । वयकयाय् नं मृत्यु जेठ ९ गते जूगु खः ।

वयकया नेम्हा काय् मलखलाल व सितुलाल पुं खः ।



डयच्यागूगु स्वप पौ. बःछि पौ(पाक्षिक)

प्रा.माणिकलाल श्रेष्ठ ता बिचः हाय्का

२०७७ चैत्र ५ गते यें स्ववहा भगवती (शोभा भगवती) सं मदूम्हा प्राध्यापक माणिकलाल श्रेष्ठ जूयाता विचः हाय्कः नेपाल मजदुर किसान पार्टीया छ्याञ्जे नपां माननीय सांसद प्रेम सुवाल व केन्द्रीय दुजः नपां ख्वप नगरपालिकाया प्रमुख सुनिल प्रजापति जुं श्रद्धाञ्जली देछायो दिल । मंगलबार यें (राजधानी) या सहिद गंगालाल हृदयरोग अस्पतालय् चयगुदाँया बैसय् मरुम्हा वाम बुद्धिजीवी प्राध्यापक श्रेष्ठया विहिवार अन्तिम संस्कार यागु खः । वयकता श्रद्धाञ्जली देछाय्ता थी थी राजनीतिक दल, सङ्गठन व लागया वरिष्ठ ब्यक्तिपुं स्वबहा भगवती भःगु खः । श्रेष्ठजुया पार्थिव शरीरय् वयकया तः धिकम्हा काय भाजु मलखलाल श्रेष्ठ जुं दागबत्ती बियो द्यगु खः ।

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं. १ कय् दाङ चवंगु भाज्या पुखुया दथ्वी



चवंगु जलेश्वर महाद्योया देगः दाङ चवथाय् भायो स्वयो दिल । ख्वप नगरपालिकां सम्पदा ल्हवनय् कानय् व दानय्गु ज्या मध्ये थुगु ऐतिहासिक ज्या नं छगू खः ।

बजार अनुगमन

ख्वप नगरपालिका अनुगमन समितिया कजि नपां वडा नं. ३ या वडाध्यक्ष राजकृष्ण गोराया न्ह्यलुवाय् सोमबार कमल विनायक आवास क्षेत्रय् नीडागू पसलय् अनुगमन यागुली च्यागु पसः दर्ता मयागुलिं वहे थासय्सं पसः दर्ता याकल ।

अनुगमनया इवल्य् समितिं म्याद फूगु सामान बरामदयासे दर्ता मयागु पसः त दर्ता याय्ता निर्देशन यात । अथेहे पसलय् साइनबोर्ड तयमःगु, भः (मूल्य सूची) तयमःगु, प्वः (प्याहेजिड) चिइगु सामानय् खाद्य अनुज्ञापत्र कायो लेबल तयो जक मिय मःगु, पसः ब्यवस्थित ढंगं चले यायमःगु, सुचुकुचु याङ तय मःगु निर्देशन नं बिल ।

अथेहे चैत्र १० गते ख्वप नगरपालिकाया अनुगमन समितिया कजि नपां ख्वप नगरपालिका वडा नं. ३ या वडाध्यक्ष राजकृष्ण गोराया न्ह्यलुवाय् सल्लाघारी नपली अनुगमन जूगु १५ गू पसलय् न्ह्यगु पसः दर्ता मजगुलिं आनाहे दर्ता याकगु व छगू पसः नवीकरण याकगु जुल ।

अनुगमनय् एस.पी. खाद्य स्टोरय् साइन बोर्ड तय्ता, मूल्य सूची तय्ता, प्वः चिय्गु सामानय् दय्कागु न्हि ल्याः तयो लेबल तयो अनुज्ञापत्र कायो मियगु निर्देशयाङ दिल ।

एभरग्रीन ब्युटीपार्लर स्वन्हुया दुनय् दर्ता याय्ता, मियगु बिल, इस्टिमेट बिल छ्यलः तःगुलिं प्यान वा भ्याट बिल छ्यलय्ता,

मिना कस्मेटिक पसः दर्ता याय मःगु मूल्य सूची तयमःगु पसलय् सुचुकुचु याङ ब्यवस्थित याङ तय मःगु निर्देशन बिल । रमिला फेन्सी पसः याता नं वहे काथं निर्देशनयात अथेहे बस्नेत खाद्यस्टोर उदयपुर मासु पसल, तुलसा सुन चाँदी पसल, गणेश दूध डेरी पसल थापा खाजाघर, एमरग्रीन ब्युटीपार्लरता आना हे दर्ता याकल ।

अनुगमनय् दुजः हरिराम सुवाल वडानिरीक्षक रामकृष्ण प्रजापति, कर उपशाखाया मोहनदेवी ब्यांजु, महानगरीय प्रहरी परिसरया प्रहरी सहायक निरीक्षक अमिर श्रेष्ठ, राष्ट्रिय उपभोक्ता मञ्चया लक्ष्मी भण्डारी, भक्तपुर घरेलु तथा साना उद्योग संघया लक्ष्मी प्रसाद बाटी, भक्तपुर घरेलु तथा साना उद्योग कार्यालयया पोष्टराज पोखरेल, उद्योग वाणिज्य संघ भक्तपुरया विश्वराम दुवाल नं भःगु खः ।

ख्वप नगरपालिका नगरवासीतय्गु

थगु हे संस्था खः

करदातातय्सं इल्यहे कर पुलदिसँ

नगरयामु विकासयाता ग्वाहाली याङ दिसँ

ट्रयाक सुट इड बिल

खवप नगरपालिकाया रजनी जोशी जुं हेटौडा अन्तर शहर चेस धिं धिं बल्ला कासाय् खवप नगरपालिका पाखं ब्वति कः भःपुं कासामि पित्ता खवप नगरपालिकाया ट्रयाक सुट इड बिल । उगु कासा मकवानपुर जिल्ला बुद्धिचाल संघया ग्वसालय् जुय तांगु खः । उकिया (सह आयोजक) ग्वाहाली ग्वसाखल हेटौडा चेस क्लब खः । उगु कासा २०७७ चैत्र ११ निसें १४ गते तक वागमती प्रदेशया राजधानी हेटौडाया अन्तर शहर टिम बुद्धिचाल धिं धिं बल्ला कासा खय् ब्वति कः वांगु खः ।



वडा नं. ४ खय् शिविर

खवप नगरपालिकाया उप प्रमुख रजनी जोशीया मू पाहाँलय् खवप नगरपालिका वडा नं. ४ या ग्वसालय् चैत्र ७ गते जूगू मिसातयगु मचा छँ (पाठेघर) (प्याप स्मेयर) व दुरुप्वया क्यान्सर परीक्षण शिविर जुल ।



डय्च्यागूगु स्वप पौ. बःछि पौ(पाक्षिक)

बुटवल उपमहानगर- पालिकाया प्रमुख सुवेदी खवप नगरपालिकाय्

बुटवल उप-महानगरपालिकाया प्रमुख शिवराज सुवेदी खवप नगरपालिकाय् भायो खवप नगरपालिकाया प्रमुख सुनिल प्रजापति जु नपालाड खवप नगरपालिकां याड च्वंगु शिक्षा, स्वास्थ्य, सम्पदा पुनः निर्माण व विकास निर्माणया लागाय् जुयो च्वंगु प्रगति समस्या व चुनौतीया विषय चैत्र १२ गते खाँ ब्याक दिल ।

खवप नगरपालिकां नगरय् पुलांगु मौलिक शैली ल्यंक तय्ता व सम्पदा म्वाक तय्ता याडः च्वंगु ज्या, न्हय्गु शैक्षिक संस्थाया प्रगतिया खाँ प्रमुख प्रजापति जुं काड दिल ।



बुटवल उपमहानगरपालिकाया प्रमुख जुं बुटवल टेक्निकल इन्स्टिच्यूट ब्यवस्थित याड न्ह्याकय्ता खवप नगरपालिका पाखं सय्केगु मतिं वयागु नपां आना इञ्जिनियरिङ्ग कलेज नं चाय्केगु मति दःगुलिं खवप नगरपालिकाया ग्वाहाली व समन्वयया आशा याड दिल ।

खवपया तक्वातपुली पुइक, खादा क्वखाय्क लसकुस याड खवप नगरपालिकाया पिथनात, सम्पदा ल्हवनय् कानय् व दानय्गु ज्याया 'किपा मुना साफू' मतिनाया चिं काथं ब्यगु उगु नपालाय्गु ज्याइवः लय् खवप नगरपालिकाया उप-प्रमुख रजनी जोशी वडाध्यक्षपुं रविन्द्र ज्याख्व (९) हरिप्रसाद बासुकला (२), प्रमुख प्रशासकीय अधिकृत रामलाल श्रेष्ठ, प्रशासकीय अधिकृत दामोदर सुवाल, बीटी आइ, बुटवलया उपनिर्देशक इञ्जिनियर अभिमन्यू भीमार्जुन पन्थी पुं नं भायो द्यगु खः ।

बुटवल उप-महानगरपालिकाया प्रमुख सुवेदी ख्वप नगरपालिकाय्
(२०७७ चैत्र १२ गते)



नगर प्रमुख सुनिल प्रजापति वागमती प्रदेशया
मुख्य सचिव मानबहादुर बिके नपां (२०७७ चैत्र ८ गते)



अन्तरनगर चेस धिं धिं बल्लाया कासामि पुं नपां का. रोहित

(२०७७ चैत्र २ गते)



नगर प्रमुख सुनिल प्रजापति हेटौडा उप-महानगरपालिकाया प्रमुख महतजु नपां

(२०७७ चैत्र ८ गते)

